

H. Lit. P.

83^m

R

Bibliotheca Archiv. On-
oldini, num: 609.

H. lit. D.

83ⁿ

~~215~~

HERMANNI CONRINGII
POLYHISTORIS OLIM HELMAESTADIENSIS
S V P E R

REQUISITIS

IN
QVOLIBET STUDIO
ACADEMICO LIBELLVS

DENVO EDIDIT
IOHANNES CHRISTIANVS
R LEVSCHNERVS

A. M.

SCHOLAE HIRSCHBERGENSIS
PRORECTOR



VRATISLAVIAE
APVD IO. FRID. KORNIVM, SEN.
MDCCLXII.

NEW YORK

OF THE

LIBRARY

RECEIVED

IN

OF THE

ACADEMY

THE

LIBRARY

OF THE

ACADEMY

OF THE

LIBRARY

OF THE

LIBRARY

OF THE

LIBRARY

OF THE

LIBRARY

OF THE

LIBRARY

OF THE

LIBRARY

ILLVSTRISSIMO DOMINO

DOMINO

ERNESTO FRIDEMANO

DE MVNCHHAVSEN

POTENTISS. BORVSSORVM REGIS IN
CVRIA VRATISLAVIAE SVPREMA, ET
SENATV ECCLESIASTICO, ITEM ET
PVPILLORVM COLLEGIO

PRAESIDI cet.

DYNASTAE IN HERRENGÖSSERSTAEDT
ET BENDLEBBEN cet.

DOMINO SVO GRATIOSISSIMO

Bayerische
Staatsbibliothek
München



*acturusne audacter nimium
videor, quando eo confi-
dentiae deuenio, ILLV-
STRISSIME DOMINE, vt in-
clutum Nomen Munchbusianum libello
inscribam, qui tum pro exiguae molis,
tum argumenti, leuitate indignus tan-
to in toga Heroe a multis primo intuitu
censebitur? Verum enim si quid etiam
est forsitan confidentiae; veniam tamen
esse me lubenter impetraturum, spero;
vel quoniam idem libellus Conringia-
num nomen in fronte habet, summum
que suo in orbe virum auctorem agno-
scit, vel quia de iis rebus bene, dili-
genter, humanissime que disserit, quas
prorsus, DOMINE, in deliciis habes,
et quae TIBI sunt omnium commenda-
tissimae. Etenim non mole soles nec pon-
dere rei cuiuscunque metiri pretium,
sed ea potius virtute, qua in se partim
excellit, partim et suam utilitatem ad
plures diffundit quam largissime. Ita*

vero sentire magnum, et in primis
Munchbussianum est, et eorum praeci-
pue, qui ex conuictu et consuetudine il-
lustris Mascouii liberaliori ad tan-
tum honoris et promeritorum et splen-
doris fastigium adscenderunt. Quin-
imo quodmodocunque ad artes inge-
nuas earum que cultores attinet inde-
fessos et dexteriores, id amant Munch-
busii, suo que ornant patrocinio, et fa-
uentissime amplectuntur. Igitur ni-
hil est, quod addere amplius et rogare
submississime malim, quam ut TVO me-
cum libellum qualemcunque patrocinio
complecti gratiosissime haud graueris,
qui Diuini Numinis gratiam impense
ac medullitus imploro, vt TE, ILLV-
STRISIME DOMINE, bonis
omnibus iis maximis, quibus humana
censetur felicitas, cumulatissimum esse,
cum familia illustri et splendidissima,
seros in annos, ornatissimum que iu-
beat. Dab. Hirschbergæ d. VI. Id.
April. A. R. G. clō 1800 LXII.

Lectori



Lectori Beniuolo

S.



Conringium quoties cogito,
quoties et nonnulla, quorum
multa et eximia sunt, eius
euoluo, lego que, ingenii
monumenta; toties fere in-
certus haereo, mirarine multiugem ipsius,
exquisitamque doctrinam, an studium deue-
nerari magis bono publico inseruiendi, acer-
rimam que iudicandi vim iure ac merito suo
debeam? Verum enim quo diligentius ta-
men eius, a primis pueritiae suae annis, ae-
tatem anquiro, eo certius et iucundius si-
mul intellego, qua usus educatione pruden-
tissima fuerit, adeo, ut mirari prope desinam,
qui reapse tantus euaserit, quantus deinceps
cognitus, auditus, lectus que cum stupore,

atque a viris primariis insigniter adamatus, commendatus et maximis ornatus celebratus que passim per orbem cultiorem laudibus inclaruerit. Diuinis enim erat prorsus a natura ditatus ingenii dotibus, quas incredibili mature coepit discendi cupidine inflammatus excolere, tam que luculenter vix quatuordecim annorum puer ostendere, vt in praecocium ingeniorum numero locum, Viris ita censentibus peritissimis, inuenerit 1). Actum autem in praesenti agerem, si de vita ipsius instituerem denuo et copiosius exponere, aut multa, et optimae frugis plena recensere ingenii monumenta, quum opera hac qualicunque super sedere Niceronus 2) Corberus 3), Goebelius 4) et Bruquerus 5) cum aliis 6) lubenter ac prorsus me iubeant. Quando autem libellum eius

quen-

1) v. Seelenii V. Cel. Miscellan. T. II. a p. 249 cf. Niceronii Memor. erudit. scriptis illustri. T. XV. p. 215.

2) In Memor. l. c. a p. 214.

3) In Vita, quam Syntagm. Epistol. Herm. Conringii praemisit.

4) Helmaestadiensis Acad. Antecessor nuper. Clarissimus in Vita, quam Operibus Conringii praemisit.

5) Histor. philos. critic. T. IV. §. 1. a p. 324. it. in Templo honoris a p. 159.

6) In his possunt conferri Sarmasiana a p. 2. it. Fabricius in Histor. Bibliothec. Fabric. T. IV. a p. 202. et. et T. V. passim.

quendam vtilem, vt opinor, et probae dexteritatis testem, protrahere denuo in lucem instituo; nihil alienum ab hoc instituto me suscepturum fore, arbitror, si elogia colligere quaedam potiora mauelim, collecta que, parca fortasse adhuc manu, recitare, quae a viris primariis, iisdem que laudatissimis, tum antea, tum post suum e vita excessum iure accepit ac promeruit. Spretam enim nullo esse tempore operam Pope-bluntii, quam simili in causa insumsit studio, perfecit que 7), quin collaudatam potius ab eruditissimo quoque memini; quam ob rem veniam me haud difficulter fore consecuturum, spero, si certe aliqua cupiam incomparabilis viri, et fere suo tempore in Germania Phoenicis, e potioribus elogia praemittere. Vt elogiorum vero statim primordia capiamus, Schurtzfleischium, quo propius ad Conringii similitudinem accedit, aeternum illud academiae Leucoreae decus, primum excitabimus, qui ad Valterum, Senatus Luneburgensis primicerium, ita 8) super decessu Conringii: iactura quidem

A 5

Con-

7) v. Niceroni Memor. T. XI. a p. 423, vbi de vita eius exponitur.

8) Scribit in Epistol. Arcan. a p. 194.

Conringii, viri summi, vehementer affectus sum, in quo non Iulia modo magnum ingenii lumen, sed Germania etiam immortale decus, amisit. Sed nunquam animis hominum, qui litteras amant, aut aestimant, excidet viri gloria, quae omnibus in doctrinae partibus tam exquisita erat, ut vnum praecipue eum haberent exteri, quem mirarentur. Pergit: Isaacus Vossius, quo, mea quidem sententia, vix doctiorem nunc Anglia complectitur, sic praedicabat merito suo Conringium, ut infra eum reliquos omnes haberet, sapienter quae sic censor ingeniorum maximus iudicaret. Lutetiae Parisiorum effuse gaudebat Steph. Baluzius cum saluum esse ex me intellegeret, quin dixit et fassus est, neminem perinde ab se aestimari, ac Iulium hunc doctorem. Alibi eum Socraticum non minori sane praeconio appellabant, quippe in quo industria et iudicium facere paria viderentur cet. Idem paullo inferius 9): Helmstadii e vita gloriaeque theatro excessit ille summus Conringius, cuius obitum non mediocriter doleo — — vir nullis saeculis tacendus cet. A Lacrozio deinde, quanto Viro! in litteris ad Theoph. Sigfr. Bayerum

V.

V. Cel. datis legere me haec ¹⁰⁾ aliquando memini: idem ante eum tentauerat et perfecterat vir maximus, Herm. Conringius in aduersariis chronologicis, libello perquam accurato et erudito. Alibi Baluzium modo laudatum, magnum in Francis virum saeculo superiori, eruditissimum que, ad Ioh. Schilterum, ducis Vinariensis ab aulicis consiliis scribere hoc modo comperi ¹¹⁾: si laudasses in me amorem litterarum et reverentiam meam erga viros doctos praecipue vero erga communem nostrum amicum Herm. Conringium. Et paullo post ¹²⁾: scripseram eade re libere, vt erat nostra familiaritas, et vt meus est mos, ad eundem Conringium: qui, vt erat natura vehemens et calidus, sibi temperare non poterat, quum occasio incideret, stringendi stilum aduersus ecclesiam, quae Romano nomine gloriatus cet. Neque operam me perditurum fore credo, si addere haec velim adulescentuli eruditissimi, qui pluribus in Academiis cupide ornandorum studiorum causa detineri sese passus

10) In Thes. Epistol. Lacrozian. T. III. p. 40.

11) In Schelhornii V. Cel. Amoenitatib. Litter. T. VIII. p. 631.

12) l. c. p. 632.

passus fuerat, fata tamen quem dehinc abstulerunt acerbiora, in quibus ita¹³⁾: Conringii fui consalinus — — didici quoque tamen id, Conringium iucundius et fructuosius legi, quam audiri; saepe enim minori studio se ad discursus publicos in lectionem publicam paravit, saepe fiducia eruditionis, quam omnino habet maximam, aliquid pro auctoritate decernere videtur, aliorum rationes aspernatus. In scriptis autem ipsius magna apparet diligentia et solidissima plerumque veritatis discussio cet. Quid de Conringio senserit I. P. Luduigius, magnum quondam academiae Fridericianae incrementum ipse paucis ita exponit¹⁴⁾: liber Conringii est, summi Viri cet. Ad Schelhauerum, princeps ordinis sui ornamentum, de Conringii excessu cum inaudiisset Leibnitius *ὁ πρῶτος* scribens in aliis pergit¹⁵⁾: quum celeberrimi merito suo viri Herm. Conringii, soceri tui obitum intellegam, tibi simul et reipublicae litterariae et nostrae Germaniae condolare debui. Amissimus enim, tu quidem praesidium, nos ornamentum cet. Quin-

13) conf. Select. e Thurmii itinere Litteratio apud Schelhornium l. c. T. XI. a p. 275 - 277.

14) v. Lud. Petri Giouanni Germania princeps p. 33.

15) Leibnitii Epistol. T. I. a p. 177 cf. p. 188. cet.

Quinimo a populis transmarinis, et ab Anglis quidem, parcis alioquin exterorum encomiastis; amplissimae diffusaeque eruditionis laude insignitur ¹⁶⁾, qui tanto iudicii acumine, quanto vnquam quisquam aetate sua valuerit cet. Similiter prope a Ven. Buddeo ¹⁷⁾: Vir summi et subacti iudicii, et ab altero Academiae Salanae Theologo praestantissimo: accuratus vt omnis prope-modum litteraturae, ita et demonstrationum iudex dignissime laudatur ¹⁸⁾. Honorifice non minus de Conringio et vere ita sentit ¹⁹⁾ Menquenus: vt breuitate sua fabellas et satyras in se prouocavit, ita vasta doctrina laudes maximas et meruit et superauit. In eximio denique opere, quod super historia philosophiae spissum edidit Bruquerus V. Cel. Conringium hoc excitari encomio memini aliquando ²⁰⁾: magnum illud patriae nostrae ornamentum cet. Verum enim quando finem isthaec esse demum inuentura opinamur, quae breuiter modo praemitten-

16) In biograph. Anglic. T. IV. p. 114. not. (m). Edit. theot.

17) In Select. iuris Nat. et Gentis p. 101.

18) Mich. scilicet Foertschio in Select. Theol. p. 3.

19) I. B. Menquenus in diss. Litterar. n. 18. p. 171.

20) In Histor. philos. Critic. T. III. p. 7.

mittenda huic libello duximus, si plura plurimum acquirere studiosius elogia velimus, eadem que hinc et inde collecta huc transfundere? In hisce desinamus igitur vna precati medullitus, vt plura idem talem excitare ingenia Conringii similia velit Deus, qui, vti rebus omnibus, ita orbi etiam litterario sapientissime prospicit. Longe interea minus tamen ratio erit tandem, cur libellum adhuc laudare ac commendare admodum pluribus annitatur, quum Conringii eiusdem sit, ideoque omnium idem elogiorum instar habeatur. Finem quidem, quem praefixum utique habemus, satis affecuti videbimus, si qui, libello hoc perfecto, commoveantur, vt meliorem studiorum suorum viam et rationem ineant, aut iniri ab aliis, nonnulli quam diligentissime ac maximo opere curent. Scrib. Hirsbergae d. xxviii.
Mart. A. R. G. cld Idcc Lxii.





Q. D. S. V. B. Q.



nnus hodie quartus post tricesi- *Exordium*
mum agitur ¹⁾, quum in hanc *dissertatio-*
academiam puer a parentibus, *nis.*
ab Oceani usque littore ²⁾, Stu-
diorum capeffendorum gra-

tia, fui missus. Tertius vicesimus est, ex quo
itidem hac in incluta Iulia docendae iuventuti
sum admotus. Quartum iam fungor magistratu
academico: quem antehac administraui, bis se-
mestri

1) Habita vero est dissertatio, in publica panegyri, die
XI mensis Iulii A. clō lōc LIV. cum Prorektoratum
Academiae quartum suscepisset.

2) Summum enim hoc Academiae Iuliae ac perpetuum
orbis, quae patet, eruditi decus et ornamentum Nor-
dam, Frisiae Orientalis oppidum satis amplum, patri-
am habuit et agnouit, editus scilicet in lucem ibi A. R.
G. clō lōc VI. cf. Niceron. Memor. Viror. vita et scri-
ptis illustr. T. XV. a p. 214; Fabricii Histor. Biblioth.
Fabric. T. IV. a p. 202; Lexic. Erudit. T. I. a
p. 2059. Quis vero magnum laudari ac celebrari pas-
sim Conringium non legit, audiuit, cognouit?

inestri spatio, semel per integrum sesquiennium. Hoc triginta quatuor vitae in academiis peractae annorum interuallo, haud pauca mihi obseruata, bona mala, vtilia noxia, cum alia tum quae ad res pertinent academicas, si dixero, merito id sine iactantiae nota fecerim. Forte igitur etiam sine inuidia et obtrectione bonorum (malos enim non curo) licuerit de illis verba facere, et sententiam animi ingenue promere³⁾. Verum dabitur aliquando occasio fortassis agendi iusta id ipsum prolixitate: etiam hodie tamen illius argumenti partem, non nisi exiguam licet, attingam, et quidem itidem leui duntaxat, quod aiunt, brachio.

Propositio Duo nempe cum primis sunt, quod nemo
dissertatio- vestrum ignorat, quam ob rem scholae acade-
nis. micae, quae appellantur institulae et quae adeo ab iis sunt vnice expectanda. Alterum est, vt ingenui adulescentes, iuuenes que, discant ea, quae ad reipublicae omnis vsum sacrum profanum que faciunt: alterum, vt iidem mores suos ita componere assuescant, vt adultiores facti idonei sint, non se ipsos tantum regere, sed alios etiam ad omnis generis virtutem suo praeclaro exemplo

3) Et cui profecto datum erat sapientius talia promere, aut quis rectius debebat, quam Conringius? qui pro summa eruditione, vfu verum multiplici, prudentia singulari, et sua ipsius auctoritate in medium quibat omnium optimae praecipere talia et consilere.

plo incitare ⁴⁾. Quo in proposito nihil utique nisi summa laude dignum occurrit. Sed huius usque adeo nobilis scopi quo fiamus compotes, haud difficile perspectu est, postulari quasi in antecessum haud pauca, eaque partim in iuuenum, partim etiam in professorum, quos appellamus, ordine. Atque in professoribus quidem quidnam merito queat desiderari, alias fortasse commodius: in praesentia quemadmodum, mea quidem sententia, Vos, o iuvenes, comparati esse debeatis, si velitis speratum academicae vitae fructum carpere, differam ego, idque paucis: nec enim haec ad finem iam properans panegyris patitur longum
fer-

4) Possint ad haec facile alia multa necessario et utiliter monenda optimo cuique in mentem incidere, praesertim uti nunc passim sunt tempora et mores, quibus talia quidem in formandis iuuenum ingeniis parum, vel plane non, curantur. Et si forte similia quaedam fieri putes, sunt isthaec sane omnino peruersa. Contra si quis honestus, si bonus, si usu spectatus rectiora suadeat, agendaue suscipiat; non desunt alii, quasi excitati stimulis inuidiae, homines insulsi et patroni nequitiae, qui nefanda suspicione, conuiciis indecoris et fraudibus quibuscunque, premunt turpiter, imo saepe opprimunt, dumque ipsi mederi capiti volunt, et debent, vix reduuiam, ut aiunt, curant. Sed quae huc pertinent, alio fortasse die dabitur dicendi studiosius occasio.

fermonein. Dicam vero nunc duntaxat, qua ratione vos in studiis omnium optime possitis proficere. Quomodo mores vestri, quam rectissime queant formari, alias dociturus 5).

*Quatuor
requisita
in primis
sunt ne-
cessaria.*

Videtur autem mihi, quae ad studiorum fructum percipiendum requiruntur, posse illo quaternario numero fere abunde satis comprehendi, quo iam pridem summus et sciendi et docendi pariter artifex Aristoteles, dotes eorum, quos interioris admissiōis habuit in Lyceo suo, auditorum comprehendit. Alias latius ex hoc ipso loco laudavi cum alia, tum etiam illa incomparabilis viri in docendo observata instituta: inde editis in publicum dissertationibus rem illam omnem prolixè persecutus sum 6): eoque nolo nunc illa quidem operose repetere.

Qua-

5) At enim nunc facere huc planissime queunt Ioh. Frid. Christii *παραγίτης* Viri, cum esset in viuis nuper, Summi et vere incomparabilis, Libelli duo: de moribus regendis et studiorum ratione in litteris discendis, quibus elegantius nihil, nihil honestius, nihil ad ipsam causam accommodatius fingi, commendariue vnquam potest, vt viderunt diu et iudicarunt, quorum iudicio in his et similibus fidere modo tutum est; Libelli prodierunt in lucem Liegnitii et Lipsiae A. MDCCCLII. 8.

6) Exstant in aliis quae huc pertinent, et quas sine dubio innuit, orationes Conringii duae, qui-

Quatuor vero ista, quae et ille doctor sagacissimus 7) exegit, quaeue adeo itidem in vniuersum ego in discentibus omnibus, si quem velint ex academica vita laborum fructum capere, quam maxime desidero, sunt: primo *ingenium*: secundo *amor discendi*: tertio *Laboriositas* siue *Φιλοπονία*: quarto *προπαιδεία*, quam haud perperam dixeris elementarem eruditionem. Atque Aristoteles quidem, quem ad modum isthaec habere sese debeant, ut quis possit ad summam aliquam doctrinae et sapientiae, adeoque philosophiae, laudem eniti, laborauit duntaxat: Academiarum igitur nostrarum vsum nonnihil aliter haec formanda a nobis fuerint. Est scilicet academia quasi emporium aliquod omnigenae doctrinae ingenuae. Perinde sane atque ad emporium accedunt mercatores, omnes quidem mercandi gratia, aliis tamen haec, aliis illa desiderantibus, atque adeo alii viliora, alii pretiosissi-

B 2

ma

quibus titulum fecit: Aristotelis laudatio; lucem viderunt Helmaest. A. MDCCCXXXIII. 4.

7) Ita et simili modo passim Aristotelem laudat Conringius, Vir ipse laude maxima vbiuis et ab optimo quoque insignitur. Quare honori profecto contingit hodie Aristoteli, si quando a ieiunis quibusdam philosophastris naso quasi adunco suspendatur, iis scilicet, qui omnem philosophiam ad compendium nuperum barbare insulseque scriptitatum restringunt.

ma mercatum veniunt: ita et qui academias ingrediuntur, omnes quidem propositum sibi habent animi a doctrina cultum: (qui non habent, sane indigni sunt studioforum et nomine et omni confortio, neutiquam in tam nobili coetu tolerandi ⁸⁾) at nec vniusmodi est ille cultus, nec par omnium desiderium, dum alii ad *τὰ πρακτικὰ* eaque itidem diuersi generis, alii ad *τὰ θεωρητικὰ* nec illa non multum diuersa, magis curam omnem compellunt. Id quod nemo prudens improbauerit: cum respublica egeat multa variaque doctrina; quam vniuersam ⁹⁾ perinde singuli vt assequantur est *ἀδύνατον*. Taceo: quod, prout nunc mores nostri sese habent, nulla hodie in academiis instituatur docendi ratio, qualis fuit olim Aristoteli *ἀκροαματινὴ*, et quem in vsum ille isthacc sua quatuor exegit, Gellio

8) At enim si quis norit penitus, quae fieri cum multis soleant in academiis, ideoque non deesse complures, qui partim aliud agendo, partim nihil, imo et turpiter partim agendo tempus omne perdant suum, deque se verum esse id poetae faciant:

Nos numerus sumus et fruges consumere nati;
suspicio profecto haud temere, fore non paucos, quibus possit iure occini hoc:

Quo ruitis? procul hinc procul esse profani!

9) Si fieri tamen queat, cui assequi maxime continget? Vel quis dici saltem assecutus possit? Vix certe Conringio magis alter.

Gellio teste ¹⁰), sed omnis disciplina nostra Aristoteli audiisset olim ἐξωτερικὴ. Ac proinde nunc quidem quatuor ista in quolibet studioso academico, sensu quidem Aristotelico, frustra quaesiverimus.

Praeter quatuor autem illa videtur et quintum aliquod esse a nobis addendum; quo in ordine videlicet sunt computandi *mores* *Est et quintum requisitum.* *studiis doctrinae convenientes* ¹¹). Enimvero plurimum quoque interesse studiorum,

quibus studiosus quisque fit moribus ¹²),

B 3

liqui-

10) Noct. Attic. Lib. XX. cap. V. a p. n. 528.

eius tamen ipsa repetere verba pluribus non malim, quum ab aliis id factum crebro esse praeclare meminērim; e quibus I. H. Meibomius in Comment. ad iusiurand. Hippocrat. a p. n. 95. Stanleius in Histor. philosoph. P. V. c. VI. p. 418; Bruckerus Vir. Cel. Histor. Philosoph. Critic. P. II. Lib. II. cap. VII. Sect. I. p. 789. cf. Sam. Rachelii Introduct. in Philos. Moral. Aristotel. cap. X. a p. n. 94; Conringii τὸ πρῶτον ipsius Introduct. in Politic. Aristotel. cap. III. a p. 179; item cum multis, quos laudant Fabricius in Biblioth. Graec. Lib. III. cap. VI. p. 176; et Bruckerus l. c.

11) De quibus certe dici, praecipi ac moneri satis nunquam a prudentioribus potest; facere tamen huc in primis Christii τὸ χρίστον ἄνθρωπον libellos modo a nobis laudatos, et omnium optime, non erit sane, cur dubitem.

12) Hic enim campus aperitur virtutis, et vitiorum, ut ait Camerarius, id est, laudis ac decoris

liquido omnibus haud multo post patebit. Non enim nunc quidem tempus patitur hoc agere: imo nec cum quoquam licet iam contendere, qui quatuor tantum requirenda esse censuerit. Quin igitur potius statim omnia isthaec ordine nunc lustrabimus: quem ad modum videlicet illa comparata esse debeant in studioso iuvene, rerum quidem suarum satagente, et tuente nominis sui dignitatem ¹³).

*De Inge-
nio.*

Ceterum hoc agentibus initium faciendum erit ab INGENIO: quae videlicet eius conditio esse debeat ad eruditionis culturam admittendam. Venit autem ingenii vocabulo mihi illa omnis vis, qua et res propositae percipiuntur, et perceptae diiudicantur, et vtraeque animo infixae detinentur. Pertinet eodem illa etiam indoles, qua

coris infamiaeque et reprehensionis, quae appellantur honesta, recta, officium, et contra, turpia, prava, officii neglectio cet. cf. Thom. Crenius de Eruditione comparanda cet. a p. 169. item huc quae spectetur Satyra XIII. integra Iuuenalis, haud forte indigna videbitur. Ex imprudenti autem morum emendandorum neglectu nascitur in primis deinde genus hominum, qui suspicionibus, invidia, fraudibus piis et superbia temere agitati nihil non perturbant.

13) At enim ex multis, si calculum hodie velit quisquam ad amissum inire, quotusquisque non erit, qui nominis sui dignitatem vix, ac ne vix quidem tueatur cet.

qua aut ferimur ad res gerendas, aut a rerum exercitio abhorremus. Est vero omnis illius rei ingens diuersitas. Quisquis sane omni ingenii facultate destituitur, frustra doctrinae aliquam culturam sperat ¹⁴): exesse itaque ille debet omni Academico quidem consortio ¹⁵). Non, quasi is, qui sui ignarus in academiam deuenit, siue sponte siue aliorum missu ¹⁶), cum aliqua sit contumelia eiiciendus. Absit hoc. Condolendum homini merito est. Dimittatur itaque ille, sed cum moerore aliquo nostro. Maior cura est obseruanda circa illos, qui aliqua dote ingenii instructi sunt. In aliis

B 4

enim

14) Nec pauci tamen studiosorum turbae immiscunt sese, qui nulla re magis, quam ingenii facultate destituuntur; neque utilioris quidquam doctrinae capiunt, et si capiant forte pauxillum; in capite census tamen posthaec et proletariis haerent, et abest tantum, ut profint reuera rei publicae, ut eandem potius maxime onerent.

15) Verum enim qua quaeso contingere in academia solet, ut adulescentuli, quorum quisque

Abderitanae pectora plebis habet

lubeantur ex academico quidem consortio discere? Edunt sane, bibunt et nihil proficiunt, et redeunt finito suo triennio. Exesse, ut ait Conringius nusquam omnino iubentur. Sic ubi iubeantur, certe non memini.

16) Vbi saepe in causa etiam inepti sunt parentes, qui non consultis antea fidis praeceptoribus, imo dissuadentibus etiam, filios tamen, asinos mittere in academiam haud erubescunt.

enim vis percipiendi, aut etiam nullo monitore aliquid inueniendi, minor quidem est, iudicandi tamen facultas praepollet: in aliis contra sese res habet. Aliis memoria labilior est, aliis abundat. Alii ad res agendas alacres, alii ad actus omnes, et negotia quaeuis torpidi sunt, amantes quietis¹⁷⁾: Rarissime inuenias ingenium omnibus numeris perfectum. Inuenire tamen est interdum, idque summa quadam et enormi naturae liberalitate¹⁸⁾.

Qui sunt ita feliciter nati, illis perinde est, ad quae studia ferantur: nec enim ab ingenio vnquam deferentur. Possunt iidem, qua sunt capacitate, per vastos studiorum campos animo excurrere. Ex re tamen fuerit

17) Quorum maxima plerumque pars est, maiori tamen longe fidorum magistrorum cum molestia. Neque hodie demum esse ita incipit; sed quondam etiam eadem audita cantilena est. Vnde in aliis iam suo tempore magnum illud elegantioris litteraturae lumen, I. A. Fabricius de se hoc modo:

*Formandae memini tenerae tribuisse iuuentae
Cottidie me horas octo, nouem, atque decem
Egregios quosdam docui, plures mediocres:
Pars magna heu! molli tradita desidia est,
Quod potui, feci cet.*

cf. Reimari Vir. Cel. de vita et scriptis I. A. Fabricii commentar. p. 90.

18) Ingenia haec modo ne sint lubrica, seque duci fideliter patiantur,

fuerit publica, uti illi quam maxime sese dedant iis, quae ab aliis vulgo non facile percipiuntur, sunt tamen vitae, societatique humanae valde utilia: aut per omnia quidem nonnihil sese diffundant, utilissimis tamen denique immorentur. Longe aliter autem gerere sese debent ii, qui minore naturae indulgentia sunt nati: quorum numerus maximus est ¹⁹). Enimvero contrahere illi spes suas debent, nec facile ad *εὐδαιμονεσάτων* istorum exemplum sese componere; quandoquidem diffuso per omnia ingenio, sed ubiuis impari, oleum et operam perdent cum aliorum ludibrio ²⁰).

Igitur ante omnia ingenii vires exploratas oportet esse. *Ingenium prius explorandum est.*

Quid valeant humeri, quid ferre recusent ²¹) prius, quam animus ad studiorum

B 5

curam

19) Praesertim si torpor accesserit, a quo plurimi etiam non procul absunt, ut fit, plerumque, si sua tractent negligentius.

20) Caueant vero in primis, ne id, quod vel plane non, vel minus recte ac diligenter ceperunt, suis deinde calumniis onerent, aut sintque aliis melioribus, pro sua inscitia, obicem ponere.

21) Horatius de arte poetica p. 39. In promptu ad haec sunt multa, quae possint haud incommode disputari, quo saepius usu eveniunt; quum perpauci sint, qui semet ipsos inspicere, ut ait Seneca, soleant, et ea dein, quae aggrediuntur. Plus enim ferre nonnunquam sibi viden-

curam appellatur. Haec autem exploratio duplici modo instituenda. Aut quasi vniuersim videlicet, aut respectu habito ad isthaec doctrinae studia, quae quis prae aliis cupit sectari.

*Commune
ingenii
examen.*

Atque in communi quidem necessum est, vt examen instituatur trium illorum ²²⁾, quibus ingenium quasi constare, modo diximus. Quanta nempe *percipiendi*, quanta *iudicandi*, quanta denique *memoriae* sit facultas. Trium scilicet illorum eximia aliqua vis exigitur ²³⁾ in quolibet, qui magistri, siue viva ille voce, siue scripto libro doceat, institutione debet proficere. Vtique enim necessum est, vt possit *percipere* audi-

videntur posse, quam possunt, quamuis, eodem recte monente, plus esse virium in latere, quam in onere debeat; cf. Seneca de Tranquill. animi cap. III. p. 527. et cap. V. p. 529. Vnde istud deinde accidit, vt, quidquid non capiunt, temere in sciteque carpant.

22) At quotus eorum quisque est, mentem qui addicere studiis vulgo solent, qui suas anquirere ingenii dotes antea velit prudenter, seque metiri non nunquam pede ac modulo?

23) Iure profecto eximiam trium eorum, quae possint modo, vim requirit Conringius, et intelligenter; quoniam nisi ea instructus accerserit quisquam, ob immensam discendorum copiam, vix spe potietur sua feliciter, sed incussum potius laborabit.

auditor ea, quae docentur ²⁴). Requiritur autem quoque, ut possit isthaec ipsa *iudicare* ²⁵). Et vero idoneus magister docet non nisi adhibitis siue rationibus siue testimoniis: auditoris vero est posse iudicare, num testimonia sint fide digna, et num rationes propositae sufficiente probandi pondere valeant ²⁶). Hoc sane nisi possit auditor, quasi psittaci ritu proficere quidem valet ²⁷), ad solidam vero aliquam doctrinam nunquam perueniet. Eavtique causa negavit olim Aristoteles, iuuenem Moralis philo-

24) Geminum vero hic ob stare impedimentum potest, alterum a natura, eam si forte nouer-
cam quisquam expertus fuerit; alterum si quis
iis litterarum praesidiis careat, tanquam ansis,
sine quibus iusta et felicior nequit percipien-
di adesse vis ac locum habere.

25) At quae poterit vis esse iudicandi vera et
idonea et tuta, si quis rerum antea cognoscen-
darum ideas recte haud perceperit, neque ipsam
habere percipiendi vim, ob impedimenta mo-
do iudicata quiuerit?

26) Scite ac sapientissime; sed quot sunt, id qui
sumere sibi vere queant, nec crebro errandi,
seque ideo decipiendi periculum subeant?

27) Et vereor profecto, ne plures sint omni tem-
pore futuri, qui psittacos, quisque in causa
sua, maximopere agant; nuspiam tamen plu-
res forte, quam in iis suspicor, imo memini,
adulescentulis, qui sectari magistrum quendam
super compendio philosophico solent, qui ri-
gide omnia demonstrare sese, ac velle saltem
demonstrare, iactitant.

philosophiae esse vndequaue aptum auditorem: quia nimirum per aetatem iudicandi philosophica isthaec facultate destituitur²⁸⁾. Philosophiam inquam, non autem quamlibet moralem doctrinam. Memoria porro in quolibet studioso saltem tanta requiritur, ut quae didicit firmiter animo possit comprehendere²⁹⁾. Frustra sane didiceris, quod illico pereundum est, adeoque nulli potest esse vsui.

Ad iudicandi porro vim haud iniuria referenda videtur illa nativa dos, quam Aristoteles³⁰⁾ ἀγχίνοισιν appellat, definiturque
 εὐσθ-

28) Nec temere; ut viri etiam eruditissimi prudentissimique super eadem se intellegenter sapius monuerunt; fieri enim subinde animadvertitur ut insulsi eiusmodi morum arbitri rem omnium grauissimam illotis prorsus, ut aiunt, manibus inuadant.

29) Non in scite ideo eloquentiae ille Romanorum parens: memoria, inquit, est germana litteraturae quodammodo, et in dissimili genere persimilis. Nam ut illa constat ex notis litterarum, et ex eo, in quo imprimuntur illae notae: sic confectio memoriae, tanquam cera locis utitur, et in his imagines, ut litteras collocat. cf. Partiti. Orator. p. n. 414. in aliis autem cf. huc Thom. Crenius de erudit. comparanda a p. 302. et David Clerici Orat. Amstelod. A. MDCC LXXXVII. a p. n. 144. cet.

30) Analyticor. posterior. Lib. I. cap. XXVII. p. n. 572. cf. Aristotelis ad Nicomach. Lib. VI. cap. VIII. p. n. 253.

εὐστοχία τις ἐν ἀσκέπτῳ χρόνῳ τῇ μέσῃ.
 Qua scilicet instructus subito rei alicuius
 causam possis coniiciendo assequi³¹). Etsi
 autem pereximia haec sit ingenii virtus,
 quique adeo illa est praeditus, merito lau-
 dem felicitis ingenii et εὐφροσύνης mereatur;
 rarior tamen est, adeoque in studioso quo-
 libet non requiritur. Vbi tamen observa-
 tum fuerit, quemquam illo acumine, illa-
 que celeritate ingenii per liberalitatem na-
 turae esse praeditum, merito de illo sum-
 ma quaeque fas est polliceri; cetera modo,
 quae ad eruditionem capeffendam requirun-
 tur, ille haecenus felici, vt ita loquar, natus
 fidere iusta diligentia adhibeat. Saltem ita-
 que inquirendum fuerit, quantum huius
 ἀγχινοίας aliquis litteris operam daturus na-
 turae beneficio sit consequutus: vt iusta pos-
 sit futuri profectus existimatio circa quem-
 libet institui.

Praeter commune autem illud ingenii *Examen*
 examen est porro et specialius aliquod exer-*ingenii*
 cendum: vt quidem iuuenis laborum fru-*specialius.*
 ctum certo sibi possit expectare. Est nimi-
 rum studiorum ingens diuersitas: atque ad-
 eo et ingeniorum postulatur differens con-
 ditio,

31) Legere me non ita pridem elegantissimum
 programma Car. Lud. Baueri Vir. Cel. memini,
 de quo fautore amicissimo mihi maximopere
 gratulor, vbi multa intellegenter praecipit, quae
 huc, vt opinor, planissime faciunt.

ditio, pro differentia varia studiorum. Sic iam olim magnus ingeniorum censor M. Tullius in Scauro et Rutilio ³²⁾ non ingenium quidem omnino, oratorium tamen ingenium desideravit. Et pridem ante illum Socrates, Glaucum nobilem adulescentem Atticum ³³⁾, etsi rei publicae gerendae cupiditate ad insaniam usque flagraret, a civilis doctrinae studiis repulit, Charinidem vero et Theaetetum ad eadem ille excitavit imo accendit ³⁴⁾. Diximus iam tum ante non nihil, quanta sit varietas ingenii facultatum, idque ratione siue percipiendi, siue iudicandi, siue memorandi: simul quoque indicavimus, τὴν ἀγχίνοισιν raram esse naturae dotem, solos quoque illos, qui undique perfecto sunt ingenio ad quaecumque studiorum genera admitti posse, imo illos solos esse aptos accuratissimae capiendae doctrinae. Esse autem et doctrinae siue eruditio-

32) Respicit hic sine dubio ad ea Conringius, quae Cicero differit, super Scauro et Rutilio et alibi et maxime in Bruto siue de Claris Oratoribus cap. XXVIII. p. n. 273.

33) Vel Glauconem fortasse rectius, utpote qui Xenophonti, Laertio et aliis dicitur ΓΛΑΥΚΩΝ; vid. Diog. Laertius de Vit. Philosophor. Lib. II. cap. V. n. 12. p. n. 163. item Xenophon. Memorabil. Socrat. Libr. III. cap. VI. a p. 126. Edit. Ernest. cf. Stanley in Histor. philosophor. P. III. cap. XVII. p. 190.

34) Eiusdem rei faciunt mentionem Diog. Laertius l. c. et Xenophon, l. c. cap. VII. a p. 131.

ditionis perquam magnam diuersitatem; nemini non pridem est compertum. Hinc vero manifestum quoque est: et notum esse oportere, quale ingenium vnumquodque studiorum genus postulet, et prius quam vel huic vel illi doctrinae animum applies, instituendam esse accuratam doctrinae pariter et ingenii comparationem³⁵). Enimvero cum eruditio alia sit Theoretica, alia Practica, alia et *πονητική* siue operatiua, vt in artibus, aliae atque aliae ingeniorum dotes statim exiguntur. Sunt autem et Theoreticae et Practicae disciplinae, vt et artes, diuersae admodum conditionis. Alia nimirum sunt multum remota a vulgari hominum notitia, alia obuia magis et faciliora,

35) Atque ita sua iam aetate intellegenter euidam Lubecensi Erasmus, ingens bonarum litterarum incrementum: hoc quoque ad me perscribas velim, cui vitae generi filium tuum destinaris, et quibus potissimum litteris imbui placeat. Finis enim vnaquaque in re praefigi debet, ad quem omnia tanquam ad signum conferantur. Nam quamquam omni quidem litterarum genere pueri sint instituendi, refert tamen, quo sua studia destinent cet. conf. Erasmi Epist. p. n. a p. 105. Duplici autem modo hic plerumque a non paucis peccatur valde; partim quando ea sectantur studia, quibus ingenium, quod nacti sunt, et omnis eius dispositio repugnat; partim quando nulla ordinis habita ratione, in rebus disciplinisque addiscendis per compendia deerrant, et more tractant nihil non tumultuario.

lora. Horum igitur priora ut ingenium acrius exposcunt, ita posterioribus addiscendis satis est ingenium mediocre. Quaedam ut reapse exerceas, vim magnam memoriae exposcunt: qualia sunt linguarum, oratoriae tum sacrae tum profanae, Caufidicinae, artis medicae, Politicae et similia studia. De ingenio eius qui ciuilem philosophiam siue addiscere duntaxat, siue etiam velit exercere, et quidem per varios gradus, iam tum egimus nos latius alibi: quae igitur hic repetere haud fuerit pretium operae. Haud multum vero dispar est ratio ingenii etiam eorum, qui Artem velint Medicam facere. Nec quid nunc dicam de singulis aliis siue Scientiis, siue Artibus, siue et Prudentiis. Pandit fane heic sese mihi latus differendi campus, de omni illa ingeniorum, ratione habita diuersitatis studiorum, multiplici differentia: sed non patitur institutum, et haec ipsa Panegyris pro dignitate argumentum hoc nunc quidem prosequi. Imo vero qui utilem adeo imo necessariam operam fuerit exsequutus, equidem noui neminem³⁶).

Solus

36) Verum enim multa egregie prudentissimeque, post ea tempora, praeceperunt super hac causa homines eruditionis laude maxime conspici, quae tum in libellis peculiaribus, tum inter alia utilioris doctrinae capita, quae tractarunt, passim disceptata et explicata dederunt. Atque ut ex pluribus quosdam certe nominatim

Solus fane, quod equidem sciam, docere hoc aggressus est Ianus Huartes, homo Hispanus, et quidem lingua duntaxat Castellana, etsi post non nemo librum illum Latine verterit ³⁷). Non equidem industriae et cona-

tim laudem, huc in primis mea quidem sententia, merentur conferri Morhofius in Polyhist. Litterar. Lib. II. cap. I. seqq. a p. 349. Heumannus Venerabile Gotting. Academiae decus, Act. Philos. P. III. a p. 567. vbi de ingenio philosophico differens et alia cognitu digna disquirat; I. Franc. Buddeus, Theologus Incomparabilis, in diss. spissa et frugis optimae plenior: de Cultura ingenii, quae Select. Iur. N. I. G. a p. 295. ad 440. inserta legitur, et quam legisse huc et contulisse poenitebit, ut opinor neminem; Samuel Frid. Veitzmannus in diss. de ingenio ad philosophandum nato; Ienae 1721. quae vti eleganter est eruditeque scripta; ita operam nemo quam huic perlegendae tribuit, perdidisse sibi videbitur cet. cf. et Fab. Toerneri potest disputatio de ingenii humani varietate; Vps. 1720.

- 37) Fuit is quidem Ianus Huartus, medicus, qui post medium saeculi sexti decimi floruit, cuius liber ex Hispanico in Latinum sermonem conuersus Lipsiae prodiit A. MDCCXXII. 8. sub titulo: Scrutinium ingeniorum cet. cf. Morhofius in Polyhist. Litter. T. II. L. II. c. XXXXVII. p. 477. et a p. 487. Neque pretio tamen suo prorsus caret, ut ut non pauca desiderare Conringius forte aliquis in eo potuerit, et nonnulla sub censuram vocare Anton. Possevinus. Laudatur saltem etiam a Viris doctissimis, nomina-

conatibus viri quidquam detraxerim: saltem enim conatus nomine meretur suam laudem. Iam tum vero acrem animaduersorem inuenit Antonium Posseuinum, Iesuiticae Sodalitatis virum celebrem³⁸⁾, non nisi in perquam paucis tamen; longe plurima autem quilibet intellegens desiderauerit. Fortasse dabitur nobis occasio argumentum hoc iusta cum cura tractandi; sed nunc ad alia est pergendum.

*Dotes ingenii
quemadmodum
augeri
queant.*

Prius tamen quam ab ingenii consideratione abeamus, non possumus non monere, dotes illas ingenii, quae doctrinae capeffendae inferuiunt, deberi quidem potissima omnium ex parte naturae beneficio, atque adeo, vt ita dicam, radices earum vnice ferendas acceptas naturae; attamen cultura assidua et idonea, posse plurimum crescere³⁹⁾. Et vero quod ad memoriam attinet, paene incredibile est dictu, quantum accedere illi soleat, per mnemonicae artis⁴⁰⁾,
quam

minatim a Buddeo l. c. a p. 367; Heumanno l. c. a p. 625; Veitzmanno l. c. p. n. 24. cet.
38) De cuius vita et scriptis, praeter alios plures, exposuit Niceronus in Memor. viror. vita et script. illustr. T. XVI. a p. 289.

39) Atque istud docuisse quidem egregie loco et libello citato mihi videtur δ πρῶτο Buddeus.

40) Si quis instrui de hac vberius diligentiusque cupiat, eum posse consilii haud poenitere arbitror, si Morhofium velit in Polyhist. Litterar.

T. I.

quam vocant, subsidia. Sed et est nemini facile ignotum, crebro si quid memoriae mandetur, solere solo isthoc exercitio vim memoriae augeri quam felicissime ⁴¹). Exercitio praeterea frequente reddimur utique magis magisque apti ad ea, quae docentur ab aliis percipienda. Quam maxime autem acuit iudicium, et illam laudatam nobis ἀγχινοίαν (quae, in actu ipso rerum, si occupata fuerit, solet Aristoteli δεινότης ⁴²) et σύνεσις ⁴³) appellari) peritia primario quidem, demonstratoriae secundario autem et dialecticae artis; qualis quidem utraque ab Aristotele traditur: fateor enim, vulgarem utriusque artis tractationem non perinde multum prodesse. Quin imo et quae idem Aristoteles in Rhetoricis docuit de inuentione probabilium argumentorum nouisse, multum adiuuat ingenii, circa inuentionem

C 2

nem

T. I. Lib. II. cap. VI. a p. 299. consulere; conferri etiam Crenius l. c. potest a p. 302; exstant deinde Beyerii et Posneri dissertationes super hac causa singulares.

41) Atque id esse prae ceteris omnibus iuuandae memoriae adminiculis commendandum maximo opere, usu et experientia edoctus credo.

42) Aristoteles enim Nicomach. Lib. VI. cap. XII. p. n. 262. ἔστι δὲ τις δύναμις, ἣν καλεῖσι δεινότητα· αὕτη δὲ ἐστὶ τοιαύτη, ὥστε τὰ πρὸς τὸν ὑποτεθέντα σκοπὸν συντείνοντα, δύνασθαι ταῦτα πράττειν καὶ τυγχάνειν αὐτῶν λ.

43) De hac videri ea itidem queunt, quae Aristoteles l. c. cap. X. a p. 256. disceptat.

nein et iudicium, promptitudinem. Longe maxime autem isthaec omnia iuuare sunt apta ingenii dotes istas, si crebro exercitio quasi in actum deducantur. Quae omnia tamen quem ad modum effici quam commodissime possint, nunc quidem non licet commemorare. Vt proinde iam ad secundum studiorum requisitum sit nobis progrediendum.

*De Amore
discendi.*

Alterum vero Studiosi Academici requisitum, diximus esse *Amorem discendi* siue *Φιλομαθείαν*. Et sane necessario requiritur in Studio quolibet discendi quidam Amor ⁴⁴⁾. Saltem enim ii, qui quasi auerso sunt a studiis animo, imo et quibus otium ⁴⁵⁾, voluptas, aut quod aliud vitae negotium,

44) Etenim rectissime Isocrates ad Dæmonium. p. n. 5. Ἐὰν ᾗς Φιλομαθῆς, ἔσῃ πολυμαθῆς. Siue vt alio memini loco me legere: μηδὲν ἂν μᾶλλον τῷ Φιλομαθῆς πρὸ ὁδῶ γένοιτο ἐς τὸ πολυμαθῆς. Illud vero Isocrateum egregie illustrat more suo, et eleganter eruditissimeque instruit et exornat e dictis et sententiis veterum similibus Hier. Volfius a p. n. 137, quem consuluisse operae insumtae facile pigebit neminem.

45) Turpe scilicet otium et ignauum. Res autem in multis se ita omnino habet. Et pars eorum exigua non est, qui studiis amplificandis, vel nihil, vel parum certe temporis operaeque in academiis tribuunt, et a quibus rei publicae damnum facilius, quam commodum et vsus paratur.

gotium, prae studiis placet, frustra in Aca-
demiis terunt tempus, ideoque nec temere
ibi sunt tolerandi: cum ut rectius alibi for-
te sibi consulant, tum ne cui meliori Acade-
mico intempestiva sodalitate noceant, vel
sint etiam molesti. Non profecto quidquam
in academiis profeceris, nisi animus impe-
tu quasi quodam ad discendum feratur ⁴⁶).
Et vero in scholis triuialibus, quas appella-
mus, verberibus aliisque animaduersioni-
bus siue torpor, siue negligentia isthaec so-
let nonnullis excuti ⁴⁷): quoniam in Acade-
miis tamen istis castigationibus non amplius
est locus, igitur oportet, ut sponte unus-
quisque studioforum academicorum liberali
quadam discendi cupiditate sit instructus.

C 3

Quo

46) Id quod esse autem in genere verum, quis
facile vnquam peritus negauerit? Qui ad di-
scendum enim eximiam voluntatem attulerit,
studium et ardorem quendam amoris, sine quo
ne in leuissimis quidem rebus, quod expetet,
quisquam assequetur: qui denique certo con-
stantique ordine disciplinarum quasi spatia in-
stiterit, posse eum doctrinam assequi cet. dicit
intellegenter Romul. Amasaeus Orat. p. 164.

47) Sed scribit Camerarius de non nemine: de
N. studiis perquam bonam spem habeo. Nam
et discere eum diligenter, et sectari occasio-
nes discendi, animaduerti. Scis autem haec
tempora esse eiusmodi, ut nisi quis faciat
sponte officium suum, disciplina non multum
proficiat cet. Haec Camerarius Epist. Lib. III.
p. n. 217.

Quo vehementior autem vel remissior illa cupiditas fuerit, eo plus aut minus commo- di ex studiis licet expectare. Enimvero quos Plato dixit olim ἐροτικῇ μανίᾳ doctrinae affici, illi omnibus anteferri merentur, praesertim si et reliqua studiorum requisita haud desiderentur.

*Amor di-
scendi de-
bet esse di-
uersus pro
studiorum
diuersita-
te.*

Quantumuis vero in vniuersum nunquam a studioso amor discendi debeat abesse: non tamen etiam sic instructum esse satis est ad spem iusti studiorum fructus. Cum scilicet doctrinae genera sint multum varia, nec fieri possit, vt studiosus quisque in omni- bus aequae proficiat, vel etiam vt ex re ipsius sit promiscue quiduis velle addiscere, neces- sarium est, vt φιλομάθεια sit probe consen- tanea illis studiis ⁴⁸), quae tractari comme- rentur, vtque ita in gyrum sit aliquem cer- tum sapienter redacta.

*Non sem-
per pro-
pensione iu-
uentutis fi-
dendum.*

Et quidem ex vulgo haud pauci sunt in ea sententia, vnicuius permittendam esse liberam studii alicuius eligendi facultatem. Ceterum nec ego suaferim, appelli animum a quo studiorum genere plane abhorret: quia

48) Namque est φιλομάθεια, vt ait etiam Volfius l. c. p. 137. quae rectius curiositas appellatur, et inanis occupatio πολυπραγμοσύνη καὶ ματαιο- τεχνία τις ἔσται καὶ περιεργία λ.

quia nempe hic etiam locum habet illud Horatii ⁴⁹⁾:

Vt nihil invita dicas faciasque Minerva.

At vero, nec semper desiderio adulescentis cuiusque erga hoc, aut illud, studiorum genus est obsequendum. Saepenumero videlicet amor ille non est rectae rationi consentaneus; sed fertur in ea interdum, quae nec per ingenii vim nec per fortunam potes assequi; quin imo interdum in noxia, interdum in ea, quae tractare non permittit vitae tuae, aut natalium, conditio. Haud me fugit, esse nonnunquam animorum aliquam inclinationem ad varii generis studia, eamque foueri quandoque diuiniore quadam, aut tacita certe naturae agitatione. Nec ergo huic quidem propensione, nisi vrguentibus de causis, temere fuerit reluctandum. Verum hoc rarius contingit: et quandoquidem amor ille a voluntate nostra proficiscitur, ideo plerumque haud difficulter flecti potest in alia et diuersa studia. In quam autem partem moueri animus debeat, hoc vero committendum videtur solis iis, qui valent prudentia, neutiquam vero incautae adulescentiae ⁵⁰⁾.

C 4

Quo-

49) Ad Pisones de Arte Poetic. vs. 385. Quod idem, quid sit, Cicero explicat intellegenter de offic. Lib. I. p. n. 484.

50) Atque super hac quidem causa non temere multa essent profecto monenda et cautius fortasse

*Quomodo
coërcendus
animus
eorum qui
practicis
sunt stu-
diis dediti.*

Quoniam vero ita est comparatum cum humano ingenio, ut quia studiorum theoreticorum et negotiosorum ingens sit diuersitas, ac rarissime vnus aliquis vtrisque studiis rite exercendis sit idoneus, hinc delectus fuerit instituendus, utque saltem illi, qui in negotiosae vitae vsum sunt instituendi, magno τῶν θεωρητικῶν amore non afficiantur. Pertinet huc sane id, quod de Iulio Agricola, focero suo, refert Tacitus. *Memoria teneo, inquit* ⁵¹⁾, *solitum ipsum narrare, se in prima iuuentute studium philosophiae ac iuris* ⁵²⁾, *ultra quam concessum Romano et Senatori, hausisse: ni prudentia matris incensum et flagrantem animum coërcuisset. Scilicet sublime et erectum ingenium pulchritudinem ac speciem excelsae magnaeque gloriae vehementius, quam caute, appetebat; mox mitigauit ratio et aetas, retinuitque, quod est difficillimum, ex sapientia modum. Haec ille. Quae ciuilis autem negotiosae vitae eadem est ratio, et illius, quae artibus exercendis se consecrauit: etiam nimirum et*

tasse dispicienda hodie in primis, cum adolescentulorum partim, partim et parentum saepe imperitorum culpa insipienter peccetur, et fiant longe plura imprudentissime.

51) Scil. in vita Iulii Agricolae cap. III. p. n. 469, Edit. Ernesti.

52) Philosophiae acrius cet. legere suadet Ernestius ὁ παρ' et, sine dubio, vere.

et artes sectantium coercendus est animus a dulcedine et amoenitate contemplationum.

Ex aduerso tamen quibus theoretica prae-
placent, his nihil obstat, quo minus et artes
quasque, et practica quaeuis addiscant, sed
sciendi causa, non autem exercendi. Imo
vero si ingenii vires suppetant, nullum te-
mere studium, qualecunque etiam sit, ab
iis non est amandum; quo veritatis fiant
compotes. Quapropter etiam Aristoteles
in philosophiae auditore haud contentus
fuit *Φιλομάθειαν* ⁵³⁾ requirere, sed exegit
simpliciter *Φιλαλήθειαν*, quod longe plus
est. Id quod pro dignitate hic persequi
tempore itidem prohibemur. Ad tertium
igitur requisitum iam faciemus accessum.
Tertio autem loco diximus postulari ab
omni

*Philoso-
phiae stu-
dio mul-
tum est in-
dulgendum.*

Qui cupit optatam studii contingere metam ⁵⁴⁾ *De Labo-
Laborum tolerantiam* siue potius *Φιλοπονία* <sup>rum amo-
re,</sup>
C 5 ali-

53) At enim inquisitio et explicatio et studium veri hominis fere proprium est, ut ait Cicero; et idem alibi quaerendo instat deinceps: dialecticam inuentam esse dicitis veri et falsi quasi disceptatricem et iudicem cet. Academicar. Quaest. Lib. III. cap. XXVIII. p. n. 33. Imo si quis est, qui studio veritatis haud tenetur, vix dignus sane is erit, cui locum inter homines quidem, nedum inter homines philosophos concesseris.

54) Praeunte scil. Horatio ad Pisones de Arte Poetic. vs. 412.

aliquam. Nec vero haec semper comitatur studiorum amorem. Multi enim satis auidi quidem sunt doctrinae: at prae laborum taedio cupitis nunquam fruuntur. Nec tamen est quod quis sibi eruditionem polliceatur sine insigni labore ⁵⁵), quantumvis ingenii valeat celeritate. Ita nimirum sese res habet: cum varia sit doctrinae atque eruditionis vniuersae ratio; leuior alia et proletaria comparari potest ab eo, qui ab ingenio est feliciter instructus; etsi non adeo multum labore. Neque illam tamen, quamvis ingeniosus, assequaris in otio, aut aliud agens. Doctrina vero magis ardua longe plus laboris postulat ⁵⁶). Si variam diffusamque complecti desiderium est, labor plurimus fuerit subeundus. Hinc qui prae aliis laudem eruditionis consequuti sunt, non

55) Hic igitur aequè verum est saepius, quod animaduerto, alia in causa, sapienter praecipere Homerum, ingenii et litterarum Graecarum principem, veluti eundem nuper collaudat Ernestius Lipsiensis Academiae lumen et ornamentum maximum in praef. elegantissimae, quam curauit, editioni praemissa; quando ita scilicet 1. β. vs. 24. et 61.

Ὁυ γὰρ παννύχιον εὐδεν βέλγηφόρον ἄνδρα.

56) Poterunt huc in aliis non incommode conferri duae dissertatt. bonae frugis pleniores et eruditae, quas super φιλοπονιαι eruditorum, Dan. Frid. Ianus, Lipsiae A. MDCCCV. publici iuris fecit, eque philosophorum cathedra defendit.

non sola ingenii profecto celeritate floruerunt, sed iidem fuere *Φιλοπρωτατοι*: quod infinitis exemplis docere in promptu est. Sed quid iis opus? quum vsus doceat quotidianus, quemlibet doctissimum eundem et laboriosissimum esse: quantumue a labore alienus quis est, in tantum etiam ab arce doctrinae abesse remotum. Si duo, fateor, inter se contendant ad eandem doctrinam assequendam, tardo alter, alter expedito ingenio, breui temporis spatio perueniet hic, quo alter non nisi fero enitetur. Attamen perquam turpe est, hominem ab ingenio valentem non etiam multum superare eum, qui est tardior, quum vtique id possit haud difficulter. Sed et fieri potest, vt tradior⁵⁷⁾ aliquis improbo labore multum vincat illum, qui ingenii bonitati confisus aut otio sese dedit, aut est pigrior. Et vero cum vetustum nostra etiam haec aetas haud vnum praebuit doctrina multa praecellentissimum: idque

57) Quae in genere *ὀψιμαθείας* vis, eam euoluit praeeunte Theophrasto, et explicuit Dan. Vilel. Mollerus in diff. singulari, quae lucem Altorfi vidit A. MDCLXXXIII; conferri huc tamen in primis Morhofius meretur in Polyhist. T. I. Lib. II. cap. I. a §. 44. p. 357, vbi sic in aliis pergit: Tarda ingenia, quae quidem non celeriter comprehendunt, sed iudicio pertinaci rebus immorantur, atque adeo assiduitate sua, praecipue si quaedam illis sagacitas iuncta sit, istorum celeritatem saepe anteuertunt.

idque non tam celeris ingenii quam assidui laboris beneficio ⁵⁸). Quae omnia qui inecum perpenderit, non poterit profecto non fateri, omni omnino studioso doctrinae, nisi tempus, operam et sumtus velit perdere, ad doctrinae cultum capeffendum opus esse assiduitate ac diligentia, nec sine illa posse quem solidi fructus quidquam sibi polliceri ⁵⁹).

Quod si porro respiciamus studiorum variam conditionem, saltem illa, quae in actum deduci debent, qualia sunt studia artium, interque eas Medicinae cum primis, studia item omnia practica, sacra et profana, multum exigunt laborem, si operari placeat. Interest igitur, ut saltem horum studiorum aemulator assuescat laboribus suis, et ab otio fiat alienus. Si sane vitam Academicam iuuenis inerte otio transegeris, ad munia Rei publicae et Ecclesiae, uti et ad artes faciendas, iam adultior vix eris idoneus ⁶⁰). Non certe ita eris aptus, atque

58) Facile foret, complures eruditione insignes viros nominatim recensere, si causa isthaec non esset partim ab aliis occupata.

59) Res omnino ita se habet. Interea dolendum maximopere, quis negat, esse, si complures viderit admodum neglegenter sua tractare studia.

60) Rem sane ipsam loqui Conringium, experientia luculenter testatur in iis, qui muneribus deinde, quibus praesse iubentur, vel pror-

que si iuventutem quoque ipsam utili labori impenderis ⁶¹). Et vero est quidem et naturae dos ἡ φιλοπονία; nisi tamen reapse opereris, in desidiam facilis prolapsus fuerit ⁶²): gnauo autem exercitio dotem naturae plurimum auxeris.

Quin igitur Academicum studiosum esse laboriosum oporteat ⁶³), non profecto est dubitandum.

Proximum est uti agamus de quarto re- *De'Elemen-*
quisito: quod nos haud dubitauimus, col- *tari doctri-*
locare in notitia siue τῆς προπαιδείας, siue *na.*
Elementaris cuiusdam doctrinae. Non dispu-
tabimus, hoc loco, quid Aristoteli isthac
προπαιδείας appellatione venerit: praeser-
tim quia hoc praeclare exsequuti sunt Nun-
nesius

prorsus non solent, vel non ita certe solent,
uti debebant, satisfacere.

61) Atque id ipsum in paucis iis omni tempore
compertum est, et adhuc verum comperitur,
qui a tenera statim aetate sunt laboribus feren-
dis prudenter assueti.

62) De qua re profecto exempla, horum si velis
numerum inire, facile occurrere sexcenta
queant.

63) Praesertim si quis habitare ibidem pruden-
tius soleat, ac pensitare diligenter, quae ac
quanta sint in sua cuius arte discenda. Do-
lendum tamen est maxime, curam eandem esse
non paucis in Academia studiosis minimam.

nesius ⁶⁴), Scherbius ⁶⁵), Piccartus ⁶⁶) atque alii. Et vero cum Aristoteles egerit tantum de iis, quae philosophiae quam accuratissime discendae requiruntur, haud dubie ad sola philosophiae ista parandae necessaria adminicula respexit. Praeter autem philosophiam omnis omnino doctrina suam communem aliquam *προπαιδείαν* habet, et singulis scientiis atque artibus quaedam est propria. Cum nos igitur hic instruamus quemlibet Academicum studiosum, respiciendum nobis fuerit non ad folius accuratioris philosophiae usum exemplo Aristotelis, sed ad id, quod et vniuersum omnia et speciatim cuius studiorum generi est necessarium. Id quod tamen nunc quidem, prout exigit argumenti dignitas, plene expediri a nobis non potest; tantum igitur quasi digito fontes

64) Est is Petrus Ioh. Nunnescius homo Valentia Hispanus, qui circa exitum saeculi sexti decimi professor in Academia Barcinonensi inclaruit.

65) Magnus quondam Academiae Altorfinae, circa exitum nempe saeculi sexti decimi professor et defensor philosophiae Aristotelicae aduersus Ramaeam acerrimus, quem in aliis vel eximie laudat Gasp. Schoppius suspectar. Lect. Lib. I. p. 43; cf. ab Elswich. de Varia Aristot. in Schol. Protestant. fortuna a p. n. 60.

66) Mich. scil. Piccartus inclutus circa initium saeculi superioris in Altorfina itidem Academia professor, et tam philosophiae, quam historiae percelebris cognitione.

tes monstrasse, et summam proposuisse nonnulla, quae isthuc faciunt, hac vice satis fuerit.

Igitur elementarium, ut ita loquar, *Peritia* omnium maxime communis haud dubie est *linguae* peritia eius linguae, qua doceri solent potior *Latinae in-* ra quaeque *μαθήματα*. Omnis nimirum *ter ele-* doctrina sermonis usu instituitur, siue viua id *mentares* fiat voce, siue scripto. Iam autem, prout *doctrinas* nostri quidem sunt mores, Latina lingua *maxime est* docentibus est longe familiarissima ⁶⁷). Sal- *omnibus* tem itaque huius peritia afferenda est ⁶⁸), *communis,* quo

67) Nostra vero aetate non admodum multis, imo, quod ad genuinum eius usum et elegantiam attinet, pluribus habetur fere incognita. Mores igitur nostri sunt a Conringianis illis paullulum aut fortasse longe alieni. Melioresne autem iisdem? Non habeo equidem dicere. Vituperandine? Nescio; saltem laudandi non, quod expertus scio. Latino enim sermone uti nemo carere prorsus vere doctus etiamnum potest, qua in re peritissimus quisque mecum consentit; ita iuuenum tamen segnitie tantum subinde praesidii adepta est, ut non pauci vix leuiter tincti Latinis litteris hodie ausint ad Academias excurrere, utpote quibus non valde indigere se credunt, quum possint omnia ibidem discenda theotisce, ita enim aiunt, audire, ac, ne fallantur tamen hic subtimeo, percipere.

68) Id autem vere adhuc tenendum esse, quis ausit dubitare, quamuis omnia fere in Academiis Germaniae plurimis hodie a doctoribus et magistris theotisce tradantur? Quis enim
phi-

quo possis doctrinae melioris academicae fieri particeps. Quando et alius linguae, qualis utique est Graeca, imo et Ebraea, magisterio licet praecclaro addiscere, etiam illius notitia inter elementa eruditionis addiscenda fuerit. Harum tamen linguarum cognitionem aequae ac Latinae necessariam non esse discentibus quibusuis, palam est, idque quoniam hac quidem tempestate, et in hoc orbe Europaeo, prae omnibus linguis sola Latina ad quamlibet omnino doctrinam accipiendam solet adhiberi, Graeca ⁶⁹⁾ et Ebraea ad pauca. Quandoquidem vero Academiae studiis sunt dicatae neutiquam triuialibus, saltem illa necessaria Latinae

philosophiam penitus cognoscet, si penitioris sermonis certe Latini cognitione careat? Quis sanctioribus litteris, quis iurisprudentiae, quis medicae arti feliciter ac cum fructu ex sententia vbiuis operam impendat suam, si ne primoribus quidem, ut aiunt labris Latinas litteras degustauerit? Quantum enim harum litterarum inscitiae in multis contemptum suum partim iam vindicent, partim et vindicare magis in dies incipiant, in eiusmodi hominum ineptorum exemplis saepe obuiis comperitur.

69) Neque Graeca potest vnquam quisquam eiusque vberiori supersedere cognitione, qui oculis videre suis sua in arte quacunque capit, neque ob supinam eius negligentiam turpiter multis modis haerere vel caeca quasi fide aliis plerumque adstipulari. Atque ridiculum prope est, medicos esse ac philosophos hodie, qui Graeca iuxta cum ignarissimis ignorant.

tinae linguae peritia isthuc afferenda est, non autem in academiis demum addiscenda.

Propemodum quae linguae Latinae ea- *Logicae*
dem est ratio Logicae: non quidem omni- *rudior*
bus numeris perfectae (haec enim raro ca- *peritia*
dit in iuvenilem aetatem) rudimentorum *itidem est*
tamen eius⁷⁰). Prudenter fane Aristoteles: *elementaris.*

ἄτοπον, ἅμα ζητεῖν ἐπιστήμην καὶ τρόπον ἐπι-
στήμης; non debere simul discere artem aut
modum sciendi et ipsam scientiam. Cum
in academiis igitur scientias addiscere oporteat, ars sciendi (haec vero est quam nunc Logicam appellamus, consuetudinem secuti) saltem quantum ad rudimenta attinet, praemittenda fuerit. Haftenus scilicet inseruit Logica omnibus omnino academicis studiis. Quod si tamen quis studiis quibusdam accuratioribus velit animum appellere, erit consultissimum, quoad fieri potest afferre accuratissimam Logicae, cum primis vero Analyticae partis, cognitionem⁷¹). Impossibile

70) Non incommode, mea quidem sententia, huc facere queat libellus, quem Iacobus Facciolatus, eximium Academiae Patauinae decus, Latine ac more suo elegantissime scriptum edicuravit. Inscribitur: Logicae Disciplinae Rudimenta ex optimis fontibus ducta, et Latine explicata; Venetiis A. MDCCC VIII. 8.

71) At enim optime quemquam consulturum sibi nunc fore, arbitror, si antea Ernestii, Viri primarii et incomparabilis initia doctrinae solidioris, quae semel, iterumque, ac tertium

D

imo

bile meo quidem iudicio est, maioris momenti scientias et in primis subtiliorem quamque philosophiam, velle affectari, nisi analyticae fueris probe peritus. Quantum fane defecerit haec peritia, tanto infelicior et incertior erit scientiae cuiusvis tractatio. Haud equidem negauerim, magnam in nonnullis vim esse natiuam iudicii, quaeque adeo defectum illum artis queat supplere: attamen rarum est illud naturae beneficium, et sic quoque saepenumero fallit, nec solet temere ad ea, quae difficillima sunt, pertingere ⁷²). Argumento sunt, quae interdum a magnis quoque viris, sed minus probe hac in parte *πεπαιδευμένοις* scripta eduntur:

imo quantum nuper Lipsiae A. MDCCC L. lucem viderunt, cognoscere penitus studiosiusque potuerit.

72) Neque profecto multum efficiet quisquam, etiamsi diuinis sit prope a natura ingenii dotibus exornatus, nisi eam ipsam artem penitus edidicerit, quam Cicero iam, disertissimus Romuli nepotum, egregie admodum commendat, quando de Sulpicio ante sermocinatus ita: quod nunquam, inquit, effecisset ipsius iuris scientia, nisi eam praeterea didicisset artem, quae doceret, rem vniuersam tribuere in partes, latentem explicare definiendo, obscuram explanare interpretando; ambigua primum videre, deinde distinguere, postremo habere regulam, qua vera et falsa iudicarentur, et quae quibus positae essent, quaeque non essent consequentia cet. de Claris oratorib. cap. XXXXI, p. 279.

tur: in quibus ἀποδεικτικόν τι raro, aut vero ita permissum dialecticis probationibus inuenias, vt liquido appareat, illos demonstratiuam et probabilem collectionem discernere haud sciuisse ⁷³). Vno verbo; rudior Logicae peritia debet merito numerari in ordine Elementaris doctrinae illius, quae omnibus academicis studiis inseruit, accuratissima opus est scientiis exquisitioribus addiscendis.

Proxima Logicae, si vsum communem *Rudior Me-* spectes, rudior quaedam est peritia *Meta-* physicae: quando quidem in illa disciplina *taphysices* traduntur ea, quae omni enti conueniunt, *peritia est* atque adeo nulla est doctrina, quae non *elementa-* huius egeat subsidio ⁷⁴). Occupauerant

D 2

Plato-

73) Atque id quidem accidisse iis etiam nuper hominibus non rarenter, quis negat, qui praenimio demonstrandi pruritu nihil non audebant vsque ad Schua mobile et immobile hac methodo conficere.

74) Atque id nemo facile negat, qui pretium cuiunque disciplinae suum statuere prudenter didicit. Ideo non defuerunt homines eruditissimi, qui nunc de metaphysices praestantia, nunc de illius vtilitate intellegenter differuerunt, in quibus Crellius, Lipsiensis quondam professor et Christ. Matthaeus Pfaffius, Theologus eruditionis laude ac par-
ta promeritorum gloria maxime conspicuus. Idem sapienter demonstrat Canzius, Philosophus nuper acutissimus in meditat. philosoph. p. 7. Sin autem aliquibus male audit, ii
qui-

Platonis aeuo Dialectici nonnulla huius nobilissimae doctrinae, quia argumenta dialectica ex Metaphysicis potissimum accipiuntur: perinde atque idem patrum memoria fuit factum a Petro Ramo, eiusque affeclis: hinc vero a Platone plurimum laudata sunt ad studia omnis generis Dialectica, cum debuissent Metaphysica commendari, quam scientiam primus occupauit Aristoteles⁷⁵). Attamen neque Metaphysicae accuratam notitiam inter *elementa eruditionis* exigo, sed duntaxat rudiores: haud nescius quanta sit doctrina illius in quam multis subtilitas quamque eius notitia superet captum iuuentutis, et litibus ferendis inferuiat.

Non ita quidem, vt priora illa, omnibus promiscue scientiis sunt communia; sunt tamen duo adhuc, quae vniuersim considerata communia omnibus, speciatim vero propria sunt singulis. Vtraque, me quidem iudice, apprime sunt utilia: imo si non vtraque, saltem primum, est ipsissima Aristoteli laudata *παιδεία* siue *προπαιδεία*.

*Propaedia
cuiuslibet
doctrinae
est illi ele-
mentaris.*

Dum illam vero *προπαιδείαν* commendamus, hoc volumus. Antequam ad doctrinam aliquam faciat quis accessum, debere prius doctrinae eius, siue ars fuerit siue scien-

quidem aut prorsus audiendi non sunt et fuerunt, aut abusum certe illius culparunt.

75) Sed conf. in aliis Taurelli Synops. Aristotelis Metaphysices, p. n. 6.

scientia, naturam habere cognitam: quodnam scilicet eius sit subiectum, siue circa quod occupetur, quibus principiis tota nitatur, atque adeo quales admittat probationes, quamque habeat certitudinem. Hisce sane probe cognitis, incredibile dictu est, quantos progressus possit discipulus aliquis breui temporis interuallo in omni scientia et arte facere. Ex aduerso si illa *προπαιδεία* ⁷⁶⁾ defecerit, discipulus cauere negauit, ne interdum in alienis occupetur, et praeter propter doctrinam illam, quam discere sibi habet propositum, diuagetur: neue saepenumero ineptis et falsis ratiunculis sese patiatur decipi: atque adeo ne seducatur in errorem, ut existimet, scientiam sese iam consequutum, cum vix summa eius attigerit vestigia ⁷⁷⁾. Huc vero etiam hoc fa-

D 3

cit,

76) Facile igitur ex sententia hac et ipsa verborum explicatione intellegitur, aliter sumi a Conringio *παιδείαν* seu *προπαιδείαν*, quam alii solent eandem homines tradere sapientissimi, v. c. Vouerius de polymathia, et Vossius de quatuor artibus popularibus, et qui sunt complures, quos recensere singulos nihil interest. Sunt autem ea, quae, in quacunque disciplina, rectius ut addiscatur, et ordine tractetur capiaturque suo videntur antea, praecipienda, quae nos vulgo praecognita Aristoteles vero *τὰ προγινώσκόμενα* Lib. I. cap. I. Analyticor. p. n. 460. vocat.

77) In hac quidem causa saepe adolescentuli delirant, stulta quadam abrepti *δοκησισοφία*,
qua

cit, quod studiosus nullam scientiam, nullam debeat artem aggredi, nisi fuerit ante probe institutus, quaenam ad plenam scientiae huius aut illius acquisitionem singulatim sint quasi praeambula, et proinde in antecessum addiscenda. Saepenumero de προπαιδείας huiusmodi summa, non dicam, utilitate, sed plane necessitate, verba ad vos feci: O iuvenes, scripto etiam non vno illud tetigi. Itaque non est, quare nunc quidem operose iterum doceamus.

*Magistro-
rum, qui
voce aut
scripto do-
cent neces-
saria noti-
tia.*

Ad προπαιδείαν vero quadamtenus pertinet alterum illud: nempe notitia eorum, quorum magisterio proposita doctrina accipienda est. Nec enim nisi paucis concessum, sine magistro praeclaram aliquam scientiam sibi suoapte, quod aiunt, Marte comparare ⁷⁸⁾. Quantumvis etiam id nonnulli possint,

qua nosse se iam ea, temere credunt, quae vix primoribus labris degustarunt, incipiuntque simul eo maiori periculo languescere, quo maior demum erat opera et quasi amplior insumenda.

78) Neque admodum sunt eiusmodi αὐτοδίδακτοι, et, si qui forte putantur, verius erunt, si rem ipsam spectes, μωροδίδακτοι. Quantam enim contra iacturam eiusmodi homines vesano plerumque φιλαυτίας errore sese decipientes turpiter rei litterariae inferant, docuere complures, et ex viris primariis Morhofius Polyhist. Lib. I. cap. I. a p. 6; Feuerlinus in diss. de eruditis sine praeceptore p. 21; Bergerus de causis iacturae rei Litterariae a p. 49; Vollandus in diss.

possint, haud dubie tamen illi et facilius et tutius et plus profecerint ab aliis adiuti⁷⁹⁾. Quoniam autem reapse rari sint

nantes in gurgite vasto,

plerique autem indigeant alienis praeceptionibus, facile apparet, tantum non omnibus id operam esse dandam, ut cognoscant per quos in ea eruditionis parte, quam sibi habent propositam, queant maxime proficere. Perinde vero atque in aliis, ita et in hisce spectanda fuerit magistrorum eiusmodi primum facultas, deinde et voluntas. Vtrum scilicet sint idonei docere, deinde utrum iidem ingenue et sine invidia, quae recta norunt, docere velint. Vtrumque sane

D 4 requi-

diff. de solidae eruditionis subsidiis a §. 4; Henr. Jul. Scheurlius in Statua Mercurii cap. III. a p. 68, et alii, quos recensere singulos nominatim nihil interest.

79) Atque id quidem etiam intellegenter et curatius praeceperunt in aliis Viri, modo quos laudauimus, eruditissimi Morhofius, Feuerlinus, Scheurlius, Bergerus, Vollandus cet. quibus subiungere facile complures liceret, nisi res adeo esset per se clara, ut dubiae sit sanitatis oporteat is, qui dubitare de hac quidem re vel etiamnum audeat. Quinimo testantur id ipsam exempla eorum cuiusuis aetatis omnium, qui vnquam eruditionis laude floruerunt, se demum a fidissimis magistris adiuutos eo deuenisse. Contra enim si qui forte suo temere periculo adoleuerint, ii vesana plerumque alere praeiudicia, et suam quoque vbiuis tantum non solent stultitiam prodere.

requiritur in magistro studiis commodo. Alterutrum si desit, neutiquam ab illo iustum studiorum fructum quis sibi comparauerit.

*Scriptores
optimi
sunt cum
primis
praecogno-
scendi.*

Quum magistrorum autem alii viua doceant voce, alii libris conscriptis: dubio procul illorum in animis mouendis vis est potissima: eoque et hactenus hi quam maxime sectandi, si probe sese habeant. Ceterum ab illis quasi mortuis multo plura et minore sumtu discere est. Ac proinde non viuorum duntaxat, sed illorum etiam, quorum scriptis possumus instrui, et horum quidem quam maxime, notitia erit comparanda, quasi in *προπαιδείαν* cuiuslibet disciplinae ⁸⁰). Quo consilio ductus ego, nullum temere

80) Possem hic latius quidem excurrere, si uolupte aut spatium foret. Interca praeceptio sane haec ob geminam certe dotem se maxime commendat. Ex vna enim plurimum confert ad quamcunque disciplinam rectius tractandam ornandamque vberius, si quis proba sit intelligentiorique bonorum et utilium librorum notitia instructus. Ex altera vero deinceps, studium, ut expertus obseruat Ludolfus, nullum magis quam quod in historia litteraria, et notitia inprimis librorum et actorum inter eruditos collocatur, potest hominem abducere a scientiae arrogantia, ita, ut quo quis plus didicerit, tanto minus scire se intellegat; cf. Vita Ge. Melch. a Ludolf, quam Heumannus, magnum decus, edidit Gottingae A. MDCCC XXXX. p. 72. cf. p. 28. Idem agnouit cum aliis dudum

temere fui in docendo argumentum aggressus, nisi praemissa ingenua et candida dissertatione de iis auctoribus, per quos, meo quidem iudicio, quam promptissime liceat illam doctrinae partem capeffere. Multo usu expertus, ita quemvis iuuenem quam optime ad singulas doctrinae partes quasi manu posse duci.

Ceterum optimos quosque scriptores dignoscere atque diiudicare, non est, fateor, *Quomodo fieri id* levis operae: neque praestari potest, nisi *possit.* ab eo, qui iam subacto in ipso illo doctrinae genere est iudicio ⁸¹⁾: quale non solet esse

D 5 dum Leibnitius, qui eum in finem arridere sibi maximopere Polyhistorem Morhofianum testatur in otio Hanouerano p. n. 74.

81) Rectius id vero nosse, semper non admodum multis contigit. Diligentem enim a teneris institutionem, lectionem ad complures annos multiplicem, usum, ut sic loquar, ubiuis ocularem, et iudicium subinde prudentius firmatum requirit. Quod sane pro saeculi nostri, morumque mollicie, ac laborum fuga, esse modo perpauorum solet. Magnum autem etiam ab eo tempore incrementum cepit historia litteraria, ex quo Conringius isthaec scripsit. Quanta enim non fecerunt post Morhofium, Lambecii, Schurtzfleischii, Reimmanni, Struuii, Fabricii, Buddei, Gundlingii, Loescheri, Stollii, Menkenii, Heumanni, Baumgartenii, Ioecheri, Kappii, Pfaffii, Bunderi, Walchii, ut complures alios silentio praetermittam? Via tamen quodammodo difficilior

esse tenerioris aetatis, vel certe non nisi rarissime. Non tamen est, quare hanc notitiae comparandae spem quamvis iuuenis abiiciat. Varii scilicet sunt notitiae gradus. Vt ἐπισημονικῇ (liceat ita nunc loqui) superet iuuentutis captum, par tamen etiam illa aetas est comparandae notitiae δοξαστικῇ: quae scilicet innititur auctoritati talia vere scientium sapientumque. Commodum itaque fuerit praeclarissimorum quorumvis doctorum, cum viuorum tum mortuorum (vt ita loquar) iudicia et censuras de cuiusvis generis scriptoribus, magna cura et inquirere, et annotare⁸²): donec maturior aetas suapte trutina vti concesserit. Quae opera et levis est et iucunda: quod meo exemplo possum

facilior reddita est adulescentulo, quatenus coenam fere dubiam nec dubiam sibi vbiuis paratam videt, et vbi periculum est, ne fallatur saepius, nisi ducem viae deligendae sequendaeue peritiorem, et fidum omnino inuenerit. Sermo enim mihi est, de adulescentulo doctrinae solidioris vere cupido, cum probe sciam, plurimos non tam de comparanda doctrina solidiore, quam de pane aliquando inueniendo parandoque cogitare, deque illo esse inprimis sollicitos, et esse iuberi.

82) Ita enim homo bene quidam sentit et loquitur, qui ceteroquin audit male ac praecipit, cuius addere tamen nomen nihil interest: qui literario comitatu instructus est, is feliciter ad altiora contendet, hoc qui fuerit destitutus nunquam ad solidae eruditionis fastigium perueniet.

possum bona testari fide ⁸³⁾. Sed in hac *προπαιδείας* parte, ut et in aliis quae tacta a nobis sunt, fortassis iusto diutius haereo.

Non equidem existimo *Elementis erudi-* *Praelimi-*
tionis illis quae requisivit ad Acroamaticas *narium*
 disciplinas Aristoteles, accensita esse ea, quo- *doctrina-*
 rum notitiam nonnullae scientiae atque Ar- *rum singu-*
 tes priuatim quasi sibi postulant, ceu prae- *larium ne-*
 liminaria. Certum tamen est, quod sine *cessitas.*
 iis haud liceat iusta felicitate in quam mul-
 tis disciplinis progredi: ac proinde omnino,
 ut plenus studiorum fructus accipiatur, or-
 dinem istum esse observandum: ut nempe
 non nisi probe iacto in praeliminaribus istis
 fundamento, ad quoduis doctrinae genus
 procedatur. Sed quaenam talia sint, vel,
 ut clarius loquar, quaenam praemitti de-
 beant diuersi generis disciplinis, id docere
 nimis fuerit operosum: certe haec panegy-
 ris neutiquam permittit. Et vero nunc qui-
 dem fatis est saltem hoc significasse.

Superest ut et Quintum requisitum ex- *De mori-*
 pendamus. Quibus scilicet *moribus conue-* *bus cuius*
niant *studio aptis.*

83) Quodsi autem ex sententia Plinii, et quid-
 ni ex ipsa veritate, sapientis est, optimum
 quemque in exemplum sibi proponere, tiro-
 nes certe in Conringio praecipue dignum, quod
 imitentur, quodque sequantur exemplum ha-
 bebunt. Neque de memet nego

Si magnis aliquando licet componere parua
 hisce me insistere vestigiis ac praeceptionibus
 ab annis pluribus fideliter consueisse.

niat esse eos, qui studiorum Academicorum fructum desiderant. Et vero queat videri hoc postulatum valde intempestiuum ⁸⁴⁾: innox tamen, nisi fallor, liquido patebit, non prudenter duntaxat, sed in tempore simul etiam, quando nimirum integrum adhuc est, quodnam velis studiorum genus amplecti, id ipsum attendendum. Vt de moribus autem recte iudicetur, necessum est, comparisonem eorum cum virtutibus et vere moralibus, et quas homileticas appellamus, instituere. Non enim et virtutes sequioris ordinis non sunt attendendae: praesertim quum ingens earum ad vitam civilem sit momentum, imo si videas eos quibuscum est vulgo conuersandum, quum homileticae virtutes prae ipsis veris virtutibus moralibus soleant quam maxime aestimari. Nos initio spectabimus virtutes veras, deinde et homileticas.

*Mores, qui
ab omni
studio
requirun-
tur.*

Igitur in vniuersum omnem omnino studiis Academicis consecratum, neutiquam volu-

84) Non sane intempestiuum, vt opinor, vnquam, neque istud hac nostra, qua viuimus, aetate, ne locum ea forte inueniant, quae acerbius ita Camerarius: Ac veniunt sane vndique, ne nostram adulescentiam solam accusari arbitreris, ad nos feroces plurimi, ac male morati, cui malo vtinam ciuitates singulae mederi studeant, in Epist. Lib. III. p. n. 219. Huic vero causae optime inseruiant etiam libelli duo Christii τε μακαριτε, quos supra laudauimus.

voluptatibus et intemperantiae, aut etiam
segni otio deditum esse oportere, iam tum
demonstrauimus. Si fane omnis ille debet
esse *Φιλομαθής*, si *Φιλόπρονος* (debere autem
esse, iam tum docuimus) saltem otio aut
intemperantiae, consequens est, neminem
illorum debere esse immersum ⁸⁵). Non
par est ratio ambitionis et *Φιλαργυρίας*. Nec
enim haec vitia prohibent, quo minus ali-
quam studiis operam impendas in vita aca-
demica. Quinimo nonnullis haec ipfa vi-
tia esse pro calcare solent, ad diligentiam,
saltem istis studiis impendendam, quae ali-
quando ad honores et diuitias possint aditum
praeparare. Et quidem si absque eo sit,
quidam nec ullam velint studiis operam
collocare ⁸⁶).

Quamuis autem ita sese res habeat de stu- *Ambitio et*
diis nonnullis, neutiquam tamen illud ad *Φιλαργυρία*
omnia trahendum, imo nec ad ipsorum stu- *quid per-*
diorum lucroforum exquisitam vndique *mittant in*
cognitionem. Quoniam studia videlicet *studiis.*
mere sterilia ne quidem excoli vel tenuiter
soleant ab iis, quorum animos honorum et
pecuniae cupido obsidet: illa intellego, quae,
vt

85) Quinimo pietatis sedulo genuinae est, et ho-
nestatis, et doctrinae amplificandae habenda
ratio.

86) At sordida eiusmodi et inquinata ingenia,
vti Cicero vocat, nec fane liberalia, esse potius
videbuntur a studiis honestioribus arcenda,
quam admittenda.

vt vulgus loquitur, non faciunt ad farinam⁸⁷⁾. Etsi enim iure dixeris, qui isthoc sunt animo dignos esse, vt farinam baiulent; κατ' ὑπόθεσιν tamen vitae, imprudenter illi studiis dent operam, quae aliquando nec ad opes possint iuuare, nec ad honores. In vniuersum porro non patiuntur haec morum vitia, vt solidam vllam eruditionem, cuiuscunque etiam fuerit generis, tibi compares. Et vero solent opes et honores a solis vel mediocriter eruditis, vel tandem dimittentibus sese ad sola quaestiuosa, parari: solide doctis raro ad isthaec quidem conceditur auditus⁸⁸⁾. Vnde consequens est, saltem illos quibus propositum est per Studia non nisi ditescere, vel emergere ad honores, atque adeo qui sunt moribus ambitione et Φιλαργυρία infectis, illos inquam neutiquam studia quaelibet, aut eruditionis excellentiam posse aemulari.

Etiam

87) Id est ad panem lucrandum, et acquirendas facultates, veluti est apud Aristoph. νεφ. vs. 648. p. n. 167. τί δὲ μ' ὠφελήσει οἱ ῥυθμοὶ πρὸς τὰ λφίτα.

88) Imo si hoc agendum nunc in primis esset, facile possem integram eorum conficere bibliothecam, qui eruditionis praestantia, et gloria promeritorum excelluerunt; possem eosdem ab antiquissimis ad nostra vsque tempora deducere, quibus comes paupertas fuit perpetua. Est reapse tamen sapientia omnibus diuitiis potior, aut diues vere nemo, nisi qui sapiens.

Etiam atque etiam porro observandum est; post academica studia subsequi solere duo diversa ad modum vitae genera: contemplativum alterum, alterum practicum. Cumque ad alterutrum faciat quasi aditum academia, iam tum statim in academiis attendi debere id, quod iam non semel indicavimus, cui vitae generi post relictam academiam dedere sese studiosus academicus velit. Etiam sane hac quoque de causa spectandi fuerint mores studiosi iuuenis. Vtrum scilicet illi vitae aliquando agenda conueniant. Nec vero admittit vita utraque eodem mores: ne quidem si illos exigas ad normam verarum virtutum moralium, multo minus si cum homileticis contendas. Ineptum autem fuerit studia academica illi vitae addicere, quam mores non facile ferunt, multo minus ii, qui ab isthac vita plane sunt alieni. Hoc enim fuerit in academiis tempus et operam perdere, atque adeo discere mox dediscenda.

In Academiis spectandum qui mores contemplativae, qui practicae vitae conueniant.

Contemplativa porro eruditi hominis (nam de vno illo nunc loquor) vita non consistit duntaxat in solis studiis Theoreticis, sed etiam in quibusvis Practicis et operatiuis, modo tu nolis illa reapse exercere, sola eorum notitia contentus, ceu veri solent philosophi. Haec vita admittit sanctissimos mores: nec enim veritatis contemplatio vel occasionem praebet ulli morali vitio: tantum abest, ut cultorum quemquam ad vitium aliquod eius gene-

Vitae contemplativae mores.

generis incitet. Veritatis, inquam, contemplatio id non facit. Attamen etiam hoc in hominum genere, nonnulli non veritatem sed gloriam affectant; ideoque sese solos, supra quam decet, efferunt, alieno autem nomini inuident, et per calumnias detrahunt⁸⁹⁾. Vt proinde etiam studiosis summe Theoreticae vitae alicuius haud liceat vnde quaque omnia felicia promittere, nisi demum iis, qui moribus sunt ab ambitione⁹⁰⁾ ac fastu alienis.

Mores vitae practicae.

Magis adhuc morum ratio habenda est circa eos, qui vitam affectant Pragmaticam. Hac parte nempe ita est comparatum, ut quaedam negotia ne admittant quidem mores

89) Quod in pusillis plerumque ac proiectae indolis animaduertitur ingeniis, aduersus quos non raro id comperitur verum, quod Gregor. Nazianzenus in inuidos *carm. III. apud Tolleum insig. itiner. Italic. p. n. 82. queritur:*

Ἐξ ὧ Θεῷ προσήλθον ἐκλιπὼν βίον

Πολλὰ τὸ τροβῆμαι καὶ κακὰ τρεκυμῆαις

Ἀντιπνέει γὰρ ὁ φθόνος

Πόθεν φίλοι μοι δυσμενεῖς, καλοὶ κακοί; κ. λ.

90) Est miserrima omnino ambitio, honorumque contentio, veluti rectissime praecipit Cicero *offic. Lib. I. cap. XXV. p. n. 435; vnde planissime ad hanc causam alter Christianorum Cicero scribit Institut. diuin. Lib. V. cap. XV. p. n. 648. In vita hac saeculari quoniam breuia et caduca sunt omnia, et praeferunt se alteris homines, et de dignitate contendunt, quo nihil foedius, nihil arrogantius, nihil a sapientis ratione semotius.*

res vnde quaque honestos: pleraque admittant quidem, sed tamen facile deflectant animos in vitia, nisi studiose ea caueas. In quibus tamen itidem est haud levis diuersitas. Prioris generis sunt nonnulla, quae gerenda veniunt in rebus publicis illis, quae per bonas artes administrari nequeunt, cuiusmodi sunt exempli gratia tyrannides. Qui ad illa igitur negotia appulsuri sunt animum, moribus bonis praediti esse nequeunt, sed saltem *ἡμιπρονῆποι* sint oportet etiam ex ipsiusmet Aristotelis sententia ⁹¹). Quam rem latius persecuti sumus libro de Ciuili Prudentia. Ne in aliis animus patiatur sese in deuia abripi, opus est; adsint mores virtute subacti, vel saltem tales, ut in virtutem sint proniores, utque adeo possint illi, iusta adhibita diligentia, in tramite honestatis retineri. Quod si sane animus fuerit levis, aut cupidus per fas et nefas in altum se leuandi, non est dubium, praebita occasione, hominem illum officio, salua honestate, haud functurum. Adeoque cum Hippocrates studiose cautum voluerit, ne quis ad Artem Medicam discendam temere admittatur, nisi perspectae probitatis, multo maxime in aliis Practicis hoc obseruandum

91) Possit ad haec forsan quispiam haerere, inde rectius ipsum adibit Aristotelem docendus, qui mentem explicet suam Politic. Lib. V. cap. XI. p. n. 381; it. ad Nicomach. Lib. VII. cap. X. p. n. 301.

uandum fuerit: quia nempe prae aliis Ars illa raro dat aliquod ad vitia incitamentum. In vniuersis sane Practicis plerisque vt et Artibus habet locum Hippocratis illud ⁹²⁾: τὰ ἱερὰ ἑόντα πρήγματα ἱεροῖσιν ἀνθρώποισι δείκνεται, βεβήλοισι δὲ, ἔθ' ἑμέμιν, πρὶν ἢ τελεσθῶσιν ὀργίοισιν ⁹³⁾ ἐπισήμης. Quae sacra sunt negotia sacris hominibus ostendantur, profanis autem fas non est, priusquam sint initiati orgiis scientiae. Haec cautio sane tanto maiore cura haud dubie erit obseruanda, quo praxis aliqua sanctior est, et proinde sanctiores mores exigit. Et vero ea est practicorum munerum diuersitas, vt aliis plus aliis minus virtutis debeatur, imo aliae atque aliae virtutes sint maxime convenientes.

*Qui mores
homiletici
conueniant
studiis et
theoreticis
et practi-
cis.*

Non patitur hic locus etiam hoc argumentum pro dignitate exsequi: itaque nunc tantum addemus aliquid de moribus homileticis ⁹⁴⁾. Hi mores quemadmodum sese habeant

92) In libello, qui Νομοὶ inscribitur, oper. T. I. p. n. 42. Edit. Linden.

93) Quae ὄργια quidem sint Hippocrati, ea explicare non indiligenter, puto, Meibomium in Comment. ad iusiurand. Hippocr. ap. n. 104.

94) At enim super his egregie, vt solet, etiam differit, copioseque Morhofius in Polyhist. T. I. Lib. I. cap. XV. a p. 164; cf. Lillenthalius in Select. historic. et Litterar. obs. III. a p. 53; quem vtrumque consuluisse, hac in causa, virum eruditissimum et legisse, poenitebit, vt opinor, neminem.

beant in iis, qui mere contemplatiuam et philosophicam vitam amplexuri sunt, non adeo multum interest: quoniam conuersationi parum studebunt, quae quam maxime homileticis virtutes exigit. Quin tamen etiam hos ornare possit modestia et humanitas, morositas vero et fastus iis quoque sit indecens, vacat omni dubitatione. Longe alia autem et accuratior morum ratio obseruanda est in futuris Pragmaticis. Ad illam nempe vitam plurimum refert qua sis in societate morum indole. In vniuersum enim, et nimis elato pariter et nimis abiecto esse animo ineptum est. Nec enim ferimus facile superbos: abiectos autem contemnimus: itaque neutri ad res practicas expediendas sunt idonei. Enimuero ad egenda ciuilia negotia, imo etiam ad artem medicam faciendam, quam maxime apti sunt homines alacres, gnaui, erecti, humani, suaves, elegantes, et fere quales dici solent omnium horarum: ex aduerso morosi, difficiles, tardi, rixosi, meticulosi, queruli, superciliosi, humiles, inurbani, agrestes, haud temere negotia eiusmodi, aut artem quoque medicam, feliciter exercebunt. Ac proinde prioris generis iuuenes bona cum spe queunt ad studia isthaec animum appellere: posterioris autem qui sunt ordinis ab illis quidem studiis sunt arcendi, nec enim vnquam sunt operae pretium facturi. Tanti sane fecit hoc etiam ipsemet Hippocrates,

vt cum cura id docuerit tum in libello, quem *περὶ εὐσχημοσύνης* inscripsit ⁹⁵⁾, tum in altero opusculo *τῶν παραγγελιῶν* ⁹⁶⁾. Imo ipsemet sanctissimus Apostolus Paullus haud leuiter respexit ad has quoque virtutes, quando dixit ⁹⁷⁾: *Seruum Dei non oportet pugnare, sed placidum esse erga omnes, aptum ad docendum, tolerantem malos, cum lenitate erudientem eos, qui contrario sunt animo affecti, si quando det eis Deus forte resipiscentiam ad cognitionem veritatis.* Utinam sane qui aduersis sunt moribus ad ecclesiastica sacra studia haud admittantur! Bene profecto cum humano genere ageretur, et ecclesiae tranquillitati consuleretur non minus quam populi sanctimoniae. Verum neque hoc pluribus agere nunc licet: nec etiam necessarium fuerit, cum res sit omnibus notissima ⁹⁸⁾.

Quan-

95) Sive de Decenti Ornatu Oper. T. I. a p. 52.

Edit. Linden. qui egregie ita incipit: *οὐκ ἀλόγως οἱ προβαλλόμενοι, τὴν σοφίην πρὸς πολλὰ εἶναι, χρησίμην λ.* et dignus omnino est, qui non a medicorum tantum filiis, sed aliis etiam utilioris doctrinae studiosis diligentius legatur.

96) Siue praeceptionum, Oper. T. I. a p. 60.

97) I Timoth. III. a vs. 2. coll. Tit. I. a vs. 7.

ad quas sanctissimas D. Paulli praeceptiones, possunt omnino interpretes videri, quos larga sufficit manu Ven. Volfius in *Curis philolog. et Criticis* a p. 437. et 551.

98) Multa dixit ad hanc causam, praeter alios sexcentos, salubria, et praeclara, et erudita

Mos-

Quantum quidem igitur hic locus, et *De Requi-*
 hoc tempus permittit, de ipsis quinque re-*sitorum in-*
 quisitis Academici studiosi iam dictum est. *dagatione.*
 Licet igitur fortassis iam in his acquiescere.
 Vt tamen in rem eo facilius omnia queant
 referri, addemus nonnihil etiam de omnium
 illorum requisitorum in Studiosis iuuenibus
 instituenda indagatione. Quemadmodum
 nempe illa queant intellegi, vt et per quos
 quam tutissime fieri possit examen.

Quid Pythagoras sua in schola egerit haud *Modus in-*
 fuerit abs re heic recitare ex Caluissii Tauri, *dagandi.*
 magni suae aetatis Platonici, A. Gellio au-
 scultante habita dissertatione, quae inserta
 est Noct. Atticar. Lib. I. cap. VIII⁹⁹),
Iam a principio adulescentes, qui sese ad di-
scendum obtulerant, ἐφυσιογενέωντες. Id
verbum significat, mores naturasque hominum,

E 3

con-

Moshemius, princeps nuper, cum viueret, Theo-
 logus, cum in dissertt. de Theologo non con-
 tentioso cet. Helmaest. MDCCCXXVI. tum in
 Comment. de Odio Theologico, Gottingae;
 MDCCCXXXVIII.

99) Conf. Gellius Lib. XVIII. Noct. Attic. cap. X.
 p. n. 491. Ionsius de Scriptorib. Histor. Phi-
 losoph. Lib. III. cap. VIII. p. n. 48. vbi de
 Tauri patria, quum dissentiant eruditi, disqui-
 rit. Super ipsa vero Pythagorae ingenia ex-
 plorandi consuetudine differit pluribus Schef-
 ferus, de Natura et Constitut. philosophiae
 Italicae cap. XII. p. n. 108. sqq. Schilteri
 Diatr. de disciplina Pythagorica; Lipsiae
 MDLXV. a §. XX.

coniectione quadam de oris ac vultus ingenio, deque totius corporis filo atque habitu, sciscitari. Eum, qui exploratus ab ipso idoneusque fuerat, recipi in disciplinam statim iubebat. Non equidem ignoro, quantum possit ea in re ars Physiognomonica: ideoque nolim et ipse hanc explorandi rationem improbari. Quin imo posse in hunc usum adhiberi etiam illa, quae a Scipione Claramontio ¹⁰⁰⁾ sunt subtilissime pariter et prolixè satis singulari libro de coniectandis cuiusque moribus et latitantibus animi affectibus disputata, haud equidem dubito. Videntur autem longe promptius et plenius accipi omnia posse, facto examine eorum, quae a iuvene aguntur, si quando placet eorum instituere rigidam inquisitionem. Fructus nimirum arborem indicat. Igitur ea in re satius est sequi sapientissimum Salvatoris praeceptum, de prophetis veris et falsis etiam a vulgo dignoscendis, maximi utique

100) Homo eruditissimus is fuit, ex equestri ordine inter Italos oriundus, qui saeculo superiori philosophiam in Academia Pisana docuit, et pluribus ingenii monumentis inclaruit. Ipsum vero maxime opus hoc commendavit egregium, quod laudat hic Conringius, quodque iterata editione publicavit, sub titulo: Scip. Claramontii de coniectandis cuiusque moribus, et latitantibus animi effectibus Libri X, cura A. Conringii recensiti. Helmstadii A. MDCLXV. 4; conf. Morhofius l. c. T. II. Lib. III. p. 488; et T. III. Lib. I. p. 8.

que momenti negotio, idque ex solis fructibus.

Iam porro potest illud examen interdum *Quinam* etiam ab ipsis iuuenibus institui: si quidem *examen de-* illi composito fuerint animo. Id tamen *beant in-* rarissimum est. Solent scilicet illa aetate *stituere.* plerumque affectus dominari: et fere in vniuersum in propriis caeci sumus ¹⁰¹), quantumvis alias lyncei. Itaque haec quidem censura committi aliis tutius potest. Vereor autem, ut soli ipsi parentes hoc queant agere. Enimvero nec omnes satis sunt talium periti: nec illos non saepenumero in minus apta abripiunt cupiditates, dum liberos nempe volunt esse eos, quales per ingenium, ceteraque requisita esse nequeunt ¹⁰²). Vtinam semper secure liceat fidere futuris magistris! Sed tutissimum forte fuerit, iudicium hoc omne deferre vni aut pluribus, qui et talia intellegunt, et nihil inde vel commodi expectant vel aduersi metuunt. Quod si fane plures eiusmodi fuerint ad manum, fatius est multos audire, quam vnum. Notum est, ipsummet Pythagoram, Hippocratem,

101) Quae vero caecitas cum *δοκυσισοφία* infelicitate coniuncta, et damnosa plerumque iuuenibus maxime in academiis est, et per omnem deinde vitam temeritatis stultitiaeque vestigia peritioribus animaduertenda propinat.

102) Neque profecto exigua redundant ad rem publicam incommoda ex erroribus, qui parentum subinde culpa inscitiaeque committuntur.

cratem, Aristotelem, aliosque veterum, non refugisse hunc laborem: etsi nulla docerent mercede, atque adeo haecenus incorrupto valerent iudicio. Quantum praeterea noceat hodie academicae iuventuti illius examinis neglectus ¹⁰³⁾, loquuntur, imo clamant iacturae operum et sumtuum in quam multis, ne alia hinc enata grauiora incommoda nunc attingam. Faxit Deus, vt saltem in posterum omnia in scholis et Academicis studia in Diuini Numinis gloriam, ecclesiae et reipublicae salutem, et propriam denique studiosi cuiuslibet vergant felicitatem.

103) Imo vehementer nocet; quum aufugiant adulescentuli e scholarum subselliis prorsus inuestes, et cruda maxime ad academias studia propellant, sibi vero et aliis iudiciorum suorum imponant, noceantque infantia maximopere.





Conring, Hermann,

Super requisitis in quolibet studioso academico libellus

Vratislavia 1762

H.lit.p. 83 r

urn:nbn:de:bvb:12-bsb10731767-7

VD18 14892049-001